

禮記章句

禮記卷二之一

任啓運章句

內則

孔本第十二萬本第十八朱子儀禮第五今定

之法孔氏曰以閨門之內為儀儀可則故謂之內則

朱子曰此古學學校教民之禮蓋古經也高氏

曰中有曾子語

疑曾子之徒作

后王命冢宰降德於眾兆民

后謂也天子曰元后諸侯曰

天子稱兆民諸侯稱萬民周禮司徒掌邦教而此言冢宰

冢宰掌邦之六典教典亦其所該而降德兆民尤佐王均

邦國之大者也德者天命之性人所同得者也惟天子降衷

若有恒性而弗教則亦放逸怠惰而或失之惟天子修身

以齊其家使德建於上而後命大臣降其德於眾兆民使

各修其身各齊其家此王者之教所以聯天而立極也不

曰禮而曰德者

德固禮之本也

卷二之一

一

右第一章

言聖王宣德教以治天下禮者之綱領也
○降德兆民王者第一義亦大臣第一事

禮始於謹夫婦

朱子曰禮者天理之節文人事之儀則也
思按人倫日用莫不有禮而始於謹夫婦

者天地絪縕萬物化醇男女媾精萬物化生天地不辨則
無以爲交男女不別則無以爲合故有夫婦然後有父子
有父子然後有兄弟有兄弟然後有君臣有朋友而爲官
禮義皆有所錯故謹夫婦人倫之首萬化之原也

室辨外內男子居外女子居內深宮固門闔寺守之男不

入女不出外言不入內言不出男子入內不嘯不指夜行

以燭無燭則止女子出門必擁蔽其面夜行以燭無燭則

止

嘯鄭讀此陳如字今從陳○高愈曰以下皆謹之之事
愚按此一節則禮之謹於居室者也宮深則言語不聞

門固則出入有制闔寺守之守宮者大夫以下無寺人
而內外之閑則士庶亦同也男市外政故不輕人女治內

職故不輕出外謀不及婦人故不入牀第之言不踰閭故
不出牖聲口作聲猶猶障也男女或有事而出入則男不
也指謀客儀懼惑人也女必障蔽自收欲防窺伺
道路男

子由右女子由左此禮之謹於道路者右西北左東南古

天其右之宿男不言內女不言外此禮之謹於言語者高

言男事則俗不親授句曲禮○凡自他篇內移入其相授

則女受以篚其無篚則皆坐奠之而後取之非祭非喪不

相授器此禮之謹於授受者手相接曰親授坐跪也干篚

耳外內不共井不其漏浴不通寢席不通乞假男女不雜

坐曲男女不通衣裳不同巾櫛禮句曲不同櫬枷櫬爾雅作

禮句曲櫬爾雅作

○此禮之謹於服物器用者外內泛言之男女切言之。漏浴室也。橫竹曰簾。橫木曰枷。皆以懸衣服者。井汲者衆。易于相雜。漏浴私褻之地。寢席私褻之器。乞假則嫌相與雜坐。則嫌相狎。通衣裳同巾櫛櫨枷則嫌漬亂。數者皆防微杜漸之道。輔氏廣曰。井漏一定。故言不共寢席衣裳可移。故言不通。不敢縣於夫之揮櫨。不敢藏於夫之篋笥。不敢其漏浴。夫不在。斂枕篋簾席褥器而藏之。縣半聲。○植木爲桿。亦以懸衣裳。長曰篋。方曰笥。氏訥曰。器猶重也。斂枕于篋。斂簾席于褥。鄭重而藏之。或曰。器卽篋。獨也。高愈曰。夫婦同室。義無取于遠嫌。然猶必謹者。敬以事夫。不少事長。賤事貴。咸如之。少去聲。長音掌。敢以親故棄之也。放此。○因上婦事夫而言。分之所在。其敬同也。

右第二章 不言男女夫婦之別。○朱子移首句屬下。不取縣于夫之揮櫨上。而別爲二章。

夫婦之禮唯及七十同藏無間故妾雖老年未滿五十必與五日之御將御者齊漱澣慎衣服櫛縫笄總角拂髦衿

纓綦履

間去聲凡間隔之間放此鄭本無滿字又云角字

夫婦之禮

六十不御為助衰也七十非人不媛故復同藏

若妾則五十閉房

不復出御矣五日之御鄭謂諸侯制愚

謂通上下言之

教潔其口辨潔其體櫛理髮也縱黑給為

之廣終幅長六尺

二寸以韜髮作髻者笄簪也骨為之長六寸

者以固髻長尺二寸

者以固被所謂衡笄也總亦黑給為

之總束其髮而垂其餘

以為飾其垂亦尺二寸先以縱韜

髮作髻加笄固之又以總總束其髮乃加被面又加衡笄

以固被也繆髮掠其髮之餘若詩言卷髮如蔓也衿結也

吳訥曰小帶纓聯其為之上交于頸下交于胸連絡為饒

女子許嫁則纓示有繫屬也饒纓而結其衿御則夫親脫

其纓既御復結之也

綦朱子云屨上之繫以結于足者此

亦謂著屨而結其綦也

未五十而必御者所以通其情必

內則

三

五日乃一御者所以嚴其分妻不在妾御莫敢當夕鄭氏
而齊僎以待御其敬亦至矣
女君之御日孔氏曰卽自御之日亦不敢當夕而往朱子
曰見星而往見星而還不敢若女君全一夕也高愈曰一
夕進御之微而嚴謹若此則賤妨貴少陵長以妾爲妻之
禍絕矣○按御女之法鄭謂天子御女八十一人自朔日
始九九而御共當九夕世婦二十七人當三夕九嬪九人
當一夕三夫人當一夕后當一夕十五日而徧望後反之
諸侯嫡姪六人兩兩而御當三夕二媵當一夕夫人當一
夕五日而徧大夫一妻二妾三日而徧士一妻一妾二日
而徧愚謂鄭氏說禮惟此爲妄天子立六官三公九卿二
十七大夫八十一元士以聽天下之外治后立六宮三夫
人九嬪二十七世婦八十一御女以聽天下之內治豈肯
爲御寢設哉周禮有六卿無三公有九嬪無三夫人傳曰
三公不必備惟其人則三夫人不必備惟其人可知矣于
嬪言九于世婦不言數則世婦御女不備數又可知
矣天官世婦不言數春官世婦乃言每宮卿二人下大夫
四人中士八人是世婦雖間取媵妾要以取之卿大夫士

之妻爲常也蓋三公與王坐而論道乃王之師傅三夫人
與后坐而論道亦后之師傅必公侯之妻年高望重者始
得爲之不然寧闕世婦必伯子男卿大夫士之妻素稱禮
明行修者始得命之以贊助后之內政與宗廟賓客之禮
事故曰世婦命於奠爵其他則皆從男子也彼有男子可
從豈王妾乎白虎通言天子諸侯皆一娶九女法地有九
川承天之施無所不生或曰天子娶十二女法天有十二
月而此所娶之國必有幼而待年者則天子自后而外其
得御者不過九嫡卽嬪亦不必有九如天子九卿實六官
也烏有三夫人二十一世婦皆當御者哉至于八十一御
私之則使令于后年十二選而入年二十遣而出其或
欲有威斯勸大爲之節猶或踰之每夕九人而欲天子無
美於色是益蘇而冀湯之治必不得矣或曰諸臣之妻出
人宮禁可乎曰六宮之政掌於內宰內宰統于冢宰以齒
德命以禮法人且天子與后異寢非后當御天子冢宰以
之宮其人也必以久若有賓祭之事則天子與
后皆齊齊則天子不入后之宮于禮固無嫌也

右第三章

朱子曰御妻妾之禮。○楊倞曰永泮迎女霜降殺女十日一御閉藏之時禁嗜慾也

愚按據此五日之御亦謂春夏時耳大約春夏五日

一御女秋冬十日一御女而妻妾又以敘迭進而時

御焉此古人之養身養德而自無色

荒之患也荀子作霜降迎女似悞

妻將生子及月辰居側室夫使人日再問之作而自問之

妻不敢見使姆衣服而對至於子生夫復使人日再問之

夫齊則不入側室之門子生男子設弧於門左女子設悅

於門右三日始負子男射女否

見音現凡以卑見尊放此衣去聲凡服之者放此

月辰及十月之期也凡宮之制前有路寢次有燕寢次有適妻之寢

人正寢卿大夫以下前有適室次有燕寢次有適妻之寢

側室在燕寢之兩旁亦南向有東階西階作謂感動將燒

也姆女御弧剛悅柔左陽右陰別男女也負抱也○青史

氏之記曰古者胎教之道王后有身之七月就養室太師持銅御戶左太宰持斗御戶右王后所求聲音非和樂則太師撫劍而稱不習所求滋味非正味則太宰荷升而不敢煎調曰不敢以待王太子列女傳曰古者婦人妊子寢不側坐不邊立不譁不食邪味謂不正不食席不正不坐目不視邪色耳不聽淫聲夜則令瞽誦詩道正事如此則生子形容端國君世子生告於君接以大牢宰掌具三月正才過人矣

卜士負之吉者宿齊朝服寢門外詩負之射人以桑弧蓬矢六射天地四方保愛乃負之宰醴負子賜之束帛卜士

之妻大夫之妾使食子接鄭讀提醴鄭讀禮今並如字大音泰後凡大牢並同食音嗣後凡

訓養之者放此。接以禮接子也。王肅杜預謂接待夫人鄭謂接養其母使補虛強氣皆非是。以太牢重其禮也。具

接子之禮。具詩持也。承也。雖持而奉承之。慎其事也。射人司馬之屬射天地四方。明將有事于此也。齊史氏之記曰

已內則
卷二之一
五

東以梧南以柳中以桑西以棘北以棗士既負之乃選授
保保受而負之蓋使士負者特重其禮也宰於是設醴以
禮負子之士而君又賜束帛以酬之食之乳養之也不使
大夫妻妻尊也不使君妾鄭氏曰小君視與己敵不相褻
以勞辱也卜吉異為孺子至於宮中擇於諸母與可者必
者隨川一人

求其寬裕慈惠溫良恭敬慎而寡言者使為于師其次為
慈母其次為保母皆居子室他人無事不往異室特為一室以居子也

諸母父眾妾此三母尊于食母故君妾亦為之可雖非眾
妾而亦可為師保者朱子謂古作阿傅御之屬亦通寬廣
人裕懷容慈愛育惠柔順淵和厚良易直恭端莊敬謹恪
慎周詳具是數者性德純矣使為子師自有以優游漸漬
養成德器而弗納于邪也鄭氏曰師教之善道慈審其欲
惡保安其寢處孔氏曰此通君卿大夫士但士不具三母
耳他人無事不往小兒精氣微弱恐驚動成客忤也○按
天子諸侯四月皆無服大夫父在為三母小功食母緦父

廢皆

大夫之子有食母士之妻自養其子食子者三年而

出見於公宮則劬

國君之子有食母大夫之子亦有之士

食子者三年而出則君必賜而勞之以酬其勞也此因食子終言之

凡接子擇日冢子則大

牢庶人特豚士特豕大夫少牢國君世子大牢其非冢子

則皆降一等

擇日就三日中或并生日數之或離生日數之要取其吉者朱子謂或記異聞也上冢子

天子之元子下冢子視君大夫士而言降一等天子諸侯

少牢大夫特豕士特豚庶人猶特豚也豕牡豚牝凡牲以

貞為三月之木擇日翦髮為髻男角女鬕否則男左女右

是日也妻以子見於父貴人則為衣服自命士以下皆漱

內則

卷二十一

七

昨西鄉妻抱子出自房當相立東面姆先相曰母某敢用
時日祇見孺子夫對曰欽有帥父執子之右手咳而名之
妻對曰記有成遂左遷授師子師辯告諸婦諸母名妻遂
適寢夫告宰名宰辯告諸舅諸父名誓曰某年某月某日
某生而藏之宰告閭史閭史書爲二其一藏諸閭府其一
獻諸州史州史獻諸州伯州伯命藏諸州府夫入食如養
禮釋音朵鄉向通凡朝向之鄉放此相夫聲凡饋相助相
放此祇別作振咳別作孩還放通凡周還盤還放此辯
通今本無諸父字養去聲凡養之放此○特髮留不翦
者夾肉而旁兩角相對爲角留髮頂上縱橫交達曰羈貴
人卿大夫也爲衣服特造新者命士以下但滌濯之而已
朔食天子太牢諸侯少牢大夫特豕士特豚豕子庶子禮

皆同也。入門鄭謂側室之門。愚疑當是燕寢之門。不于寢
寢避君也。若諸侯則見適子于路寢。房東房也。妻先得于
房。夫至乃出。禮賤者先置也。時日猶言吉日。欽有帥言二
語一動皆當敬以率之。使有所法也。執右手將授之事也。
咳許慎曰兒笑聲。父作咳聲而名之。示慈愛也。記有成言
當記此。欽帥之訓。使子有成也。授師授子之師。諸婦諸男
之妻。諸母諸父之妻。先卑後尊。欲名成于尊也。妻遂適寢
復于內寢也。宰家臣之長。諸侯絕宗則宗族不必告。此解
以下禮也。藏之書名于策而藏之。書府二十五家爲閭。二
千五百家爲州。州伯州長也。閭胥中士。州長中大夫。閭史
州史。其屬吏閭府州府。其書府也。養禮婦始至饋食舅姑
之禮。久不親事夫。故重其禮。妻亦同牢食焉。賈誼曰古
之聖帝將立世子。帝自朝服自阼階上西鄉。妃抱世子自
房出。東向。太史奉書而上堂。當兩階間北而立曰。世子名
某者。三帝執禮稱辭命世子曰。授太祖太宗社稷于子者
三。其命也。妃曰不敢者再。再三命曰。謹受命。拜而退。太史
以告太祝。太祝以告太祖。太宗與社稷。太史出以告太宰。
太宰以告州伯。州伯命藏之。州府自諸貴至百姓男女無
內則

敢與世子同名。愚按子方妊而有胎教。生三日。卽擇子。卽三月而父訓母曰。欽有帥。母對曰。記有成。豫教如此。其成德也。世子生。則君沐浴朝服。夫人亦如之。皆立於阼階。西

鄉。世婦抱子。升自西階。君名之。乃降。遂以名告於山川社

稷四境。

遂以名下本篇逸文見白虎通義。朝服陳謂平

謂見子用展衣進御更緣衣不相妨也。國君見適子于路寢正也。服傳言世子則名之于祖廟。世婦抱子升自西階。避天子也。大夫妻亦出自房。卑無嫌也。適子庶子見於外寢。撫其首。咳而名

之。禮帥初無辭。

適嫡通後適庶之適。放此帥率通。適子庶子。朱子謂適子之同母弟。外寢鄭謂君

燕寢。燕對路寢。則爲內對側室亦爲外也。其禮視適子已殺視衆庶子猶隆。此隆殺之差也。此以上適妻生子及

見于父

妾將生子。及月辰。夫使人日一問之。子生三月之

末。漱。澣。風。齊。見。於。內。寢。禮。之。如。始。入。室。君。已。食。徹。焉。使。之。

特。餽。遂。入。御。

內寢謂適妻之寢也。始入室謂初嫁來時也。凡妾媵大曰君。昏禮。夫婦同牢之後。膳餽夫

餘御餽婦餘若妾始至特餽其餘今使此生子者獨餽不

如常時衆妾同餽以優之也。見于內寢則其禮又輕于適

子庶子矣。公庶子生就側室三月之末其母沐浴朝服見於君。

損者以其子見君所有賜君名之衆子則使有司名之。

就側

室始有時也不于寢門殺于適也。見于君孔謂在側室愚

疑在內寢攝傅姆之屬妾為君所愛而加恩賜則君自名

不然則否。鄭謂國君尊雖妾不抱子愚按買詭于天子言

妃抱世子自房出恐鄭義非也。此二節妾生子見父之

禮

由命士以上及大夫之子旬而見冢子未食而見必執

其右手適子庶子已食而見必循其首。

旬十日也。朱子謂

記異聞也。彭氏謂天子諸侯必三日養子。大夫士不養。三日之限。或至旬日也。鄭謂均也。適與妾同時生子。則均。未食而見。恐未然。孔氏曰。蚤見適子。急於正也。後見諸子。緩於庶也。舉適子庶子。而衆庶子更可知。此又申適庶之禮。庶人無側室者。及月辰。夫出居羣室。其問之也。與子見父之禮無以異也。有側室。則夫自居正寢。無側室。則夫乃下庶人。故聖人不制庶。凡父在。孫見於祖。祖亦名之。禮如人禮。能者假士禮行之。子見父無辭。由家統于尊。故孫見于祖。其無辭者。應劭曰。能子見父無辭。由家統于尊。故孫見于祖。其無辭者。應劭曰。能也。此孫凡名子。不以國。不以日月。不以山川。曲禮不以見祖之禮。左傳有。不以官。不以畜牲。不以器幣。以國若衛侯。隱疾。晉陳侯周。以日月。若魯侯申。蔡侯甲午。以山川。若具敖。以隱疾。若黑肱。黑臀。常語。易及。則避諱爲難。故不以也。大夫士之子。不敢與世子同。

名。世子有君道不敢同名以避尊也。鄭氏曰：若先世子生也，既受命於父，則亦不改。如衛襄公名惡，其大夫有齊惡也，惡謂父後知世子名而命改之。則亦改之。此節名子之禮。

右第四章

朱子曰：生

幼子常視毋誑。曲禮。視示通誑或作欺。常示之以正道。而毋為欺誑。所以習其誠也。或曰：常常視以毋欺誑之道。亦通。張氏伯行曰：示有二義。未然而訓導之。既形而禁止之。正心誠意之學在此。孟子幼時聞東家殺猪。何為毋曰欲啖女。既而悔之曰：古人常視毋誑。今適有知而欺之。是教之不信。乃買猪肉以食之。若孟母者。可謂子能食食。教以右手。能言。男唯女食。男盤革。女盤知教矣。子能食食。教以右手。能言。男唯女食。男盤革。女盤

絲。六年教之數與方名。七年男女不同席。不共食。八年出

入門戶。及卽席飲食。必後長者。始教之讓。九年教之數目。

次食音嗣後凡訓飯者放此上數去聲有定目者下數上聲計算之也後仿此。○食飯皆有取其強也唯應之速食應之和聲帶也鄭謂小囊以盛帨巾男用韋女用緇陳氏選曰皆剛柔之義也數十伯千萬方南北東西各器用姓畜蔬果之類教之以切於日用也內曰戶外曰門七歲始教之別則衰慢之患除八歲始教之讓則鬪爭之害遠皆所以豫養其德性而廉恥禮義自生也數日時于支弦望分至之類亦切于日用也以上宮中姆師之教兼男女言之十年出就外傳居宿於外學書計衣不帛襦袴禮帥初朝夕學幼儀請肄簡諒十有三年學樂誦詩舞勺成童舞象學射御以下乃專以教男子者言之外傳小學之師日男不入女不出矣程氏復心曰昔有六象形會意捐中轉註假借諧聲計有九方田粟布衰分少廣商功均輸盈朒方程勾股皆日用所不可闕也俗上衣袴下衣不用帛者鄭云太溫恐傷陰氣陳云亦以防奢僭也帥初後長之禮

循而不變而又學習幼儀以盡其事親事長之詳也請謂
受之于師辨謂習之于己簡書朋諒信實求之簡冊以明
其理則有以為格致之基務為信實以履其求則有以為
誠正之本鄭謂諒應對之言王賓鳳謂簡切與之理似皆
偏學樂高愈曰先學其聲音歌舞之節後乃可以勾象之
成全者教之也熊安曰勾用為文舞之小象用干戈武舞
之小或曰勾歌於鍊為武象歌唯精為文熊說得之詳見
樂記年十五以上為成童程氏曰射有五白參連劉注
襄尺并儀御有五鳴和鸞逐水曲過君表舞空衡逐禽左
高氏曰古人兼資文武故并教之程子曰射中詘屈中節
御中度皆誠也前而習之所以養其誠也此以上皆小學
之教○尚書大傳言年十三入小學白虎通義言八歲入
小學此言十年傳聞異轍或貴賤別歟抑原有不必修者歟
賤別歟抑原有不必修者歟二十而冠始學禮可以衣

裘帛舞大夏悼行孝弟博學不教內而不出三十而有室

始理男事博學無方孫友視志

冠在弟孫師夫聲後凡冠
昏之氣孫願之孫放此內

納通。加冠于首曰冠。禮有五吉凶。卑賔嘉。自天子至士。庶凡分所當行。及可有事者。皆當學之也。衣裘自成人之服。孔云。血氣強盛。無虛傷損也。大夏。禹樂。九德之歌。朱子曰。周禮。韓賸掌九德之政。比於六詩。蓋足以養人勸儉之德。而又示以化民成俗之美。故成人舞之。詳見樂記。鄭謂文武兼備之樂。按夏無武舞。恐非也。陳謂六樂皆得舞之。尤謬。諸侯不備六樂。况大夫士乎。惇厚也。熊安曰。八年教。通議。十年學幼儀。已知行孝弟之道。至此益加篤厚也。博學多聞。見以擇善也。內者。自收斂以約禮也。求明其理。子已而未敢為人師。務欲其對于身。而無事於表暴。皆爲己之事也。至此則出小學而進于大學矣。有室。謂娶妻。內政。婦掌之。故專理男事。而內外之防益嚴也。方。常也。孫。順也。陳選曰。博學無方。惟善是師。孫友。四十始仕。方物出謀發。視志惟善。是取此大學成己之事。四十始仕。方物出謀發。

慮道合則服從。不可則去。五十命爲大夫。服官政。七十致事。高愈曰。教學至此。道明德立矣。故始仕以行之。朱子曰。方猶比也。物猶事也。謂即事以審其理。附可否曰謀計。

始終曰處既審其宜乃出之發之而見于行也服任其事
從順其令視道之合否以爲去留不肯枉己以殉君也未
五十亦得居大夫之位治大夫之政然必五十乃命之重
爵也政大事小罪官政乃綜其大綱大臣之體也七十則
致仕矣而此言致事者君留之則猶與聞大政惟小事不
與也高愈曰古人量而后入故五十乃服官政又明于止
足之義故七十卽致事女子十年不出姆教婉婉聽從執
此皆大學成物之事也

麻枲治絲繭織紵紃紃學女事以其衣服觀於祭祀納酒

漿盞豆菹醯醢禮相助食晚音晚粗訓音祖下尊以供通儿訓

者言之婉委曲和不此婦言也晚音晚粗訓音祖下尊以供通儿訓

有所受從謂無所違此婦德也無子曰麻有子曰枲皆績

之事已縹曰絲未縹曰絀皆紃之事紃音紃紃音紃紃音紃

組薄而細紃厚而狹以供約結及飾縫皆婦功也漿酒未

成者竹筴以盛果實未豆以薦庶羞醯菜曰菹肉醬曰醢

中饋婦人之職而不可忽尤重故當長者饋奠之時女子卽

已內則
卷二之一
七

以禮相助而十有五年而笄二十而嫁有故二十三年而

嫁笄衡笄也女之有被翁男之有冠被必以笄而固而備

喪○大戴禮上古男子五十而娶女子三十而嫁中節也越王句踐始

令男子二十而娶女子十五而嫁女雖未許嫁年二十而笄禮之婦人執

其禮燕則纓首雜記○許嫁而笄則戒女姻為外賓使之

賓而但以采之若笄而以禮禮之未許嫁而笄則不戒女

後而燕居則仍去笄而分髮為髻猶以少者處之也

右第五章修身齊家之責不可不教而女子陰柔暗

昧婦道尤不可不知今人之所以敗其家者往往由

婦之不賢而婦之所以不賢則由姑教之無素也

願有世道之憂者父必豫教其女而女

之失教者尤類賢夫正身以率之爾

男女異長

曲禮。名爲伯仲。不相操。雖陰陽之義也。

男子二十冠而字。女子許

嫁笄而字。女子許嫁。纓非有大故。不入其門。

曲禮。冠笄。則成人矣。故

字之以敬其名也。纓。見前。大故。若水火盜服。

男女非有行媒。不相知名。非受幣

不交。不親。故日月以告君。齊戒以告鬼神。爲酒食以召鄉

黨僚友。以厚其別也。

曲禮。

聘則爲妻。奔則爲妾。

本篇。

取妻不取

同姓。故買妾。不知其姓。則卜之。

曲禮。

陸無名字。古本奔。或作御。取娶通。後凡訓娶。

者。放此。行往來之意。交。始相接。親。則交之密也。未聘之時。因遠嫌矣。日月。娶婦之期。媒氏書之以告君也。鬼神。謂

先祖。女氏。遣女必于廟。男氏亦先告乃娶。左氏謂。罔布几筵。告于莊共之廟而來是也。若率婦以見。則必在三月。條

同官。友同志。厚氣重也。當嫁娶而慎重。又如此方氏。慙曰。聘謂以此問彼。奔言自彼趨此。妻齊也。與夫匹也。妾。接也。

得接見于君子不成位僂也。蓋六禮不備，即謂之奔，非私
淫也。左傳言男女同姓其生不蕃，又言美先盡則生疾，顧
炎武曰：非但防嫌，亦以戒獨也。皆因上厚別而言。按周
禮仲春會合男女，奔者不禁，蓋男女或有父兄皆亡，又貧
乏不能具禮，先王憫其無依，故立此權制，然亦必閭史上
其名，而媒氏泄其事，所謂以官府治之，原非苟合也。高愈
曰：雖曰不禁，而聘則妻，奔則姑姊妹女子子已嫁而反，兄
妾所以勵其守貞者亦至矣。

弟弗與同席而坐，弗與同器而食。父子不同席。女子子謂
子者，爾雅女子子之，夫為壻是也。兄弟承上姊妹而言，父
子承上女子子而言，舉二者而始可知。既嫁而遠嫌，又如
此。嫂叔不通問，諸母不漱裳。不通問，無往來問遺之事也。
其夫屬乎父道，妻皆婦道，至于叔嫂斷不可以夫道妻道相
推，故遠嫌尤甚。諸母，父妾之有子者，家賤不使之漱，以重
兄弟之母，亦遠私褻之嫌也。

寡婦之子，非有見焉，弗與為友。俱曲禮。○
陳皓曰：見

謂才德著見姚舜牧曰謂有介紹相見之端蓋古人相交必登堂拜母不輕交寡婦之子亦以遠嫌也此二節又因厚別而類記之

右第六章

朱子曰男女冠笄嫁娶之則其詳見冠義昏義

子事父母雞初鳴咸盥漱櫛縱笄總拂髻冠綏纓端韞紳擗笏左右佩用左佩紛帨刀櫛小觿金燧右佩玦捍管蒔

大觿木燧偃屨著綦

綦綦通觿音奚通音第。櫛類手面也櫛縱笄總綦見前笄六寸之笄

冠子生三月所剪胎髮作髻垂兩肩上象幼時之髮不忘生育之恩也父死則脫左母死則脫右皆死乃重脫之拂去其塵也總冠之系綦纓之餘自額而上繫于冠既繫而垂其餘以為飾也端者端服皆以緇布為之上士則于裳中上則黃裳下上乃雜裳也緇蔽膝也洋見玉藻紳大帶指插也插笏于帶以記事儀不忘故謂之笏孔氏曰櫛

訖加紼。紼，訖加笄。笄，訖加纁。然後拂髦，著冠，冠畢，然後服
 乎端。著韠，加紳，先後之次也。紛以拭器，帨以拭手。刀，礪小
 刀，與礪石也。觿，象骨爲之，狀如錐，所以解結。夾，射則著于
 右手，大指所以鈞弦，圍體捍，一名韃，著于右臂，以收袂而
 遂弦。管以藏筆，還以藏刀。晴以金燧取火，于日陰以木燧
 取火于木。凡其所佩皆以給尊長使令之用也。皇甫侃曰：
 用力右爲便，故左佩物小，右佩物大。偁行，腰邪，每于足上
 至于膝，故亦謂之邪幅。著豹結也。朱子：綦屨，帶也。屨之言
 屨也。屨內有襪，上及婦事舅姑如事父母。雞初鳴，咸盥漱
 于廳，視之若重。屨然，婦事舅姑如事父母。雞初鳴，咸盥漱
 櫛，繼笄，總衣紳，左佩紛帨，刀礪小觿，金燧，右佩箴管線纁。
 施繁褱，大觿，木燧，衿纁，綦屨，以適父母舅姑之所。衣如字，箴針通
 繁褱，一作繁帙。纁，陸作纁。婦人內夫家，故事舅姑如父
 母。衣紳，著衣而加紳也。士妻乎端，緇衣箴管，箴針之管。繁
 小囊來，猶褱也。一曰刺也。繁上加刺，謂之褱。褱言施者以
 盛箴管線纁而設也。餘，餘見前。綦屨，結屨以帶結之所。寢

星也。司馬溫公曰孫
及孫婦事祖父母並同

及所下氣怡聲問衣煖寒疾痛可

癢而敬抑搔之出入則或先或後而敬扶持之進盥少者

奉槃長者奉水請沃盥盥卒授巾問所欲而敬進之柔色

以溫之。饋醢酒醢。芼葵藿。藿稻黍粱秫。唯所欲。棗栗餽。

蜜以甘之。蕉苳粉榆兔薏豬瀨以滑之。脂膏以膏之。父母

舅姑必嘗之而後退

煥一作與齊鄭作養本一作捧溫去聲
 作蕪蕪一作厲稅音述董音謀

音丸免音問羣一作蒙勝修上聲瀾音隨下有去聲。

司疥也衣煖則減之寒則增之疾瘳則抑之苦癢則振之

皆欲其適也敬心一丁是唯恐有不當也

居
 強
 強
 以
 榮
 而
 為
 善
 大
 子
 食
 也

單葉黃連、單葉黃人、白榆、先生、後生、黃柏、可

人輸月生吳勝榆八月生英其仁性可爲醫力濟世可

內附

2

2

1



1

作羹刺榆其葉可淪爲蔬免鮮茹乾也言莖荳粉榆四者或用鮮或用乾也滫久汁澹滑也凝日脂釋曰膏甘之滑之膏之謂調和飲食也高愈曰此以上詳子婦晨省之禮雞鳴卽起以早爲敬也盥櫛衣服慎其威儀也下氣怡聲恐觸尊者而降其心志也問衣煥寒恐失于調攝也問疾痛苛癢慮其體有不適也扶持恐其仆也進盥授巾以爲服勞也問所欲而進以爲奉養也而又柔色以溫必盡其歡心使無一毫之拂也卽晨省間而愛敬之周情文之備已至極而妾事夫人如事舅姑木篇逸文見白虎通凡無以加矣妾事夫人如事舅姑禮記文見他書引述而今人者仍補人後放此夫人女君也尊之故曰夫人男妾事女君如舅姑以尊嫡絕亂原也此媵妾之禮女未冠笄者雞初鳴咸盥漱櫛繼拂髦總角衿纓皆佩容吳昧爽而朝問何食飲矣若已食則退若未食則佐長者視具總角總髮如角幼者之飾也纓香囊也以經交絡爲之臭香也以纓盛菰蘭香物而佩之以爲容亦以爲

臭朱子曰恐身有穢氣觸尊長也昧眊眊明欲明未明之時視成人稍後矣佐助也視具視飲食之具○此幼者晨省之禮姚舜牧曰白童子時已習于奉養之事矣凡內外雞初鳴咸盥漱斂枕簟

灑掃室堂及庭布席各從其事

灑一作洒灑掃並去聲或如字○欲枕簟不以私整

之其示人也灑掃以致潔也庭一在宮寢之前一在門屏之內婦室而及堂婦堂而及庭皆自內及外也布席以待賓也各從其事如男耕雖婢妾衣服飲食必後長者親長女織各盡其所當為也之禮

蓋人所同○此親孺子盥寢晏起唯所欲食無時十年以內又後言內外僕妾之禮子未成人者年穉未出命士以上父子皆異宮昧爽而朝可資以禮故畧之

慈以旨甘日出而退各從其事日入而夕慈以旨甘不命之士

父子同宮命士以上始異宮以廣敬也異宮故朝稍後各從其事如外政內職各盡其所為也晚朝日夕旨甘言慈

慈者姚謂老之字幼無所用其極子之養老如之乃為
真孝也。此卿大夫之禮。顏之推曰父子之嚴不可以狎
骨肉之愛不可以簡簡則慈孝不接狎則息慢生焉命士
以上父子異宮不狎之道問安視膳苛養抑搔不簡之道
父母在朝夕恒食子婦佐餽既食恒餽父歿母存冢子御
食羣子婦佐餽如初旨甘柔滑孺子餽佐餽勸侑之使食飽而後餽也既食
恒餽皆食其常食之餘也婦人無專制之義夫死從子故
必使冢子御食卽一食不敢專也如初如父在時也御食
者不餽諸子婦餽
畢而後孺子餽

右第七章

子婦問安視膳之禮

父母舅姑將坐奉席請何鄉將衽長者奉席請何趾少者
執牀與坐御者舉几敝席與簞縣衾篋枕敝簞而櫛之奉

通後凡奉持放此趾右作止。在謂更臥處弟子職所謂
假廷則請也。高愈曰坐陽故問面所向。寢陰故問趾所向。
件順尊者之意而不敢逆也。牀所以坐御者侍者也。既四
而起則執牀以與之坐。舉凡以與之憑皆安尊者之身而
不敢慢也。飯而見前尊細席近體者故不惟飲之而又稱
之皆敬尊者之物而不敢廢也。陳選曰將坐奉席亦長者
事。飯席以下父母舅姑之衣衾簞席枕几不傳杖履祇敬
皆御者事。父母舅姑之衣衾簞席枕几不傳杖履祇敬
之勿敢近。敦牟卮匱非餽莫敢用。與恒食飲非餽莫之敢
飲食。敦音對牟一作臻。傳移也。距有常所不敢輕移。杖
屨尤重。故祇敬之。并不敢棄近也。敦瓦爲之。有蓋有
首牟木爲之。形如土釜之狀。皆盛黍稷者。卮酒器。匱盛
以卑者而用尊者之器。食尊者之食。則似平敬矣。故皆不
敢也。此二節皆養親與在父母舅姑之所有命之應。唯
而兼取其器用服食之事。敬對進退周旋慎終升降出入揖遊不敢噦噫噉咳欠伸

跛倚睇視不敢唾洩寒不敢襲褻不敢搔不有敬事不敢

袒裼不涉不蹶褻衣衾不見褻

唯上聲凡唯諾放此喘淵人聲噫音隘噫音帝咳音

慨去聲跛音庇睇音第唾妥夫聲洩鄭本作涕袒但上去二音陽音昔蹶音貴。應唯應之速敬對對以敬也進退周旋皆慎齊無往非敬也揖者升而入其容器俯遊者降而出其容器仰然後適中且來如親去不背也噦嘔逆聲噦食飽聲噦噦咳噦四者聲之不恭氣乏則欠體疲則伸偏任爲跛依物爲倚邪視爲眊五者貌之不禁噦出千口洩出于鼻則聲貌但不恭也故升降出入皆當戒之襲增衣也敬事則如天子養老袒而割牲諸侯入覲袒而請事以示盡力之意若無事而袒則反褻而見體爲不敬矣褻褻裳也褻衣衾之襲必褻五者皆近于不禁故皆慎之。此子婦父母唾洩不見冠帶垢和灰請漱衣裳垢和灰

請澣衣裳綻裂紉箴請補綴五日則燂湯請浴三日具沐

其間面垢燂濯請醕足垢燂湯請洗和去聲凡調之者放此漱平聲濯一作浣

紐音壬燂音前潘音藩醕類須通音協。輕洗曰漱重洗

曰澣手洗曰漱足洗曰澣對文則殊散文亦通也。縱縫之

解裂質之判縫以縷貫箴補聯其裂綴合其解也。燂溫也

潘漸米汁也洗面曰澣唾浹不淨衣冠垢敝隨潔治之不

俟教令愛親之至如其自少事長賤事貴其帥時時是也

為也。此子婦服勤之事。通上文

言

右第八章

子婦左右侍奉之則

子婦孝者敬者父母舅姑之命勿逆勿怠若飲食之雖不

耆必嘗而待加之衣服雖不欲必服而待加之事人代之

已雖不欲姑與之而姑使之而后復之逆不順怠不勤子婦孝敬義必愛之

然一有恃愛之心則逆意必生于所忽故又戒之朱子曰
不可以變飾傷尊者平日慈愛之心也嘗而待服而待俟
尊者或察其意而改命之也親既任以事或偶其勞而使
人代之欲與則恐其不能欲弗與又嫌于固執故姑與之
而身教之教之不能然後身復爲之不達後命又欲事之
必當以無失初命之意皆所謂弗逆弗怠也。此子婦事
親之道。子婦有勤勞之事雖甚愛之姑縱之而寧數休之。
音朔凡訓屢及煩者放此。終子婦未孝未敬勿庸疾怨姑
使成其事不以姑息爲愛也。教之若不可教而后怒之不可怒子放婦出而不表禮焉
庸用也表猶加也諭之不知悔辱之不知愧撻之不知警
則不可怒矣然後絕之而不加禮亦不得已也鄭謂終不
明其犯禮之過似非。此待子婦婦將有事大小必請於
之道因上孝者敬者而類及之。舅姑舅姑使冢婦毋息不友無禮於介婦舅姑若使介婦

毋敢敵耦於冢婦。不敢並行。不敢並命。不敢並坐。舅殺則

姑老。冢婦所祭祀賓客。每事必請於姑。介婦請於冢婦。友

疑作敢。劉如字。○事謂私事。不敢擅為。重舅姑之命也。劉

彝曰。不友。不愛也。無禮不敬也。言舅姑以事命冢婦。冢婦

固當盡其勞而勿怠。又不可恃舅姑之命而不愛敬。諸婦

也。鄭謂衆婦無禮。則冢婦當不友之。似未順敵相抗耦相

並也。舅姑以事命介婦。介婦亦不敢恃舅姑之命。而與冢

婦抗衡。少長各盡其道也。命使人也。家事必親于適。故介

婦之行。半出令。皆不敢與冢婦值。老致事也。夫死則從子

故舅殺則姑致其事于冢婦。使為一家之內主。然冢婦猶

不敢專行。必請命于姑。而介婦又請于冢婦。相率以禮也。

○此諸婦尊卑統承之禮。高食曰妯娌之不和。由冢婦自

恃其尊而蔑視冢婦。冢婦又不肯相下而抗衡冢婦。易稱

二女同居。其志不同。行家道之難。多起于此。故先王防之

特加詳焉。○家禮當祭祀。凡婦不命適私室。不敢退。凡婦

時特設母位在諸婦上。

內則

婦介婦而言不敢擅退亦察舅姑之命也

右第九章

子婦順親命之禮而舅姑之慈如姊之友因附見焉

子婦無私貨無私畜無私器不敢私假不敢私與畜音解

性也不敢有私皆親于尊也父母存不有私財曲禮未仕者不敢稅人如

稅人則以父兄之命檀弓親在行禮於人稱父人或賜之則

稱父拜之玉藻以物與人曰稅仕則位所當與者不必

則稱兄一與一受皆無放自尊也婦或賜之飲食衣服布帛佩帨蒞蘭則

受而獻諸舅姑舅姑受之則喜如新受賜若反賜之則辭

不得命如更受賜藏以待乏蒞音菜一作芷或賜之蒞私親兄弟與之也佩珩璜線

蘋之屬。蒹藭皆香草名。以舅姑受之爲榮。則如新受舅姑之賜。以舅姑之反賜爲恩。則如更受舅姑之賜。愛敬之至。隨親所出而皆見爲厚我也。藏以待舅姑所乏而復獻之。終不敢私有也。婦若有私親兄弟將與之。則必復請其故賜而後與之。故賜謂前反賜之物。既反賜之。疑若可以與人。猶必再請而後與。終不敢私與也。

右第十章 無私財

凡爲人子之禮。冬溫而夏凊。昏定而晨省。在醜夷不爭。不

許友以死。

溫。以致其煖。凊。以致其涼。定。以致其安。省。則防其或不安也。卽此四者。而心無時不在。父母與

醜。同類夷。同等友。同志醜夷。未必無爭。而我不與爭。慮一初之忿。忘身以及親也。朋友亦有患難相死之義。而我不能許父母之身。不敢以與人。也。溫凊定省。以事親。不爭不

計以守身。能守身則能事親矣。

朱子曰。溫凊固有冬夏

之異然一日間亦當隨時細察其過常之宜張夏曰朋友
有相死之義非爲友報仇于宏基曰若要離聶政之爲雖
父母不可夫爲人子者出必告反必面所遊必有常所習必
有業山必告稟命而行且使親知所往也反必面急于見
妄變皆敬身之要也。姚舜牧曰燕朋燕辟最壞人心術
游手好閑最蕩人心志惟遊有常乃無匪人之比習有業
乃無非禮之爲人子爲人子者居不主與坐不中席行不
守身最宜三覆此語爲人子者居不主與坐不中席行不
中道立不中門人藏有升降食饗不爲槩祭祀不爲尸三節
俱曲禮。室戶南向而東近突惟西南牖下最爲隱潔故
謂之奧尊者所常居也席並坐則端爲上獨坐則中爲尊
道謂門內外之道中門謂根闕之間詳見玉藻不中不
當尊也然亦謂士以下父子同官者耳若異官則臨臣妾
之時不可不中也父老則傳故子有賓客食饗之事然其
多寡猶必稟命于父不專制也不爲尸嫌于使親拜已也

鄭氏曰然則尸父母存恒言不稱老句曲肅○子老則親

卜無父者歟父母存恒言不稱老更老矣不稱恐親知

之而自凡父母在子雖老不坐必命乃坐不敢父命呼唯

而不諾手執業則投之食在口則吐之走而不趨親老出

不易方復不過時親瘠色容不盛此孝子之疏節也王藻

舜○唯諾皆應之速而唯尤速于諾走趨皆行之疾而走

尤疾于趨易方則欲召已而莫知所在過時則失期約而

親有意外之憂故成戒之也瘠病也色容不盛憂于心而

不暇為飾也此罔孝子之節然猶人所共見其行則猶疏

淵而未為聽於無聲視於無形不登高不臨深不苟訾不

細密也苟笑孝子不服闇不登危懼辱親也曲禮○大戴有隱不

形親未言動而意旨所在子已默喻而先承之此養志之

道也登高恐墜臨深恐陷苟訾近譏苟笑近諂行闔昧之

禮記內則卷二之一

手

事以取疑由危險之途以微律皆足以虧體而辱親一一戒之此守身之道也是其為孝乃愈密矣

右第十一章

維記人子之禮無時無處而心不在于親所以為尊親愛親之至也

父母有過下氣怡色柔聲以諫諫若不入起敬起孝說則復諫不說與其得罪於鄉黨州閭寧孰諫父母怒不說而

撻之流血不敢疾怨起敬起孝

說悅通凡喜說之說放此說熟通後凡通者放此

二十五家為閭四閭為族五族為黨五黨為州五州為鄉就諫孔謂殷勤純習猶物之成熟也父母有過不容不諫而心一于愛故下氣怡色柔聲皆深愛之形也幾諫如此而或不入則撻然而起益加孝敬庶親之悅而復諫焉如是而猶不悅因念我諫而我得罪于父母失顏之罪輕不諫而親得罪于鄉黨州閭陷親之罪大故寧反覆純熟以諫若不幸至逢父母之怒或撻之流血而不敢疾怨仍復起敬起孝精誠以感之要必諭親于道而後已也。黃德

孝曰諫不入起敬起孝諫而違亦起敬起子之事親也三

諫而不聽則號泣而隨之此○臣之于君三諫不聽則去

大過不止于得罪鄉黨州閭也○高愈曰不敢疾怨諫親

變其心如要其緩親則一而已

右第十二章處親之過○饒魯曰看父母之意未發

敬曰五倫皆以格心為上未事之先廣引曲論潛移

即變諫後矣

父母有疾冠者不櫛行不翔言不惰琴瑟不御食肉不至

變味飲酒不至變貌笑不至矧怒不至詈疾止復故作篇

○期張拱為客情。感深為樂。變味食此而又思彼。變貌通
醉而見于容。齒本曰。煩大笑則露之。怒罵曰。當當親之疾
而不容不戚不樂。至于食飲喜怒俱不消其而焉。心
專于疾。不復知有他也。非誠于愛親者而能然乎。親有
疾。飲藥。子先嘗之。醫不三世不服其藥。俱曲禮○子臣侍
味苦而多茹。尤所宜謹也。醫至三世則視症多而服藥熟
非是不服亦謹疾之道也。○方慤曰。未三世而能自得師
亦在所取。程子曰。親病委諸庸醫。比之不孝。故事親者不可不知醫。

右第十三章

侍親之疾

居喪之禮。升降不由阼階。出入不當門隧。

陸門中道也。猶執人子之禮。不

敢遽死。

居喪之禮。毀瘠不形。視聽不衰。頭有創則沐。身有

瘍則浴。有疾則飲酒食肉。疾止復初。不勝喪乃比於不慈。

不孝

形露骨也。毀瘠形。親聽哀。則幾于滅性矣。送終大事。且有不能盡者。朱子曰。下不足。傳後。故比于不慈。上

不足。承先故比于不孝。或曰。哀子之過。似慈。哀父之過。似

孝。反比于不慈。孝。故道以中為貴。亦通。○按。居喪而不飲。

酒。食肉。哀戚之至情也。疾而飲食。身也者。親之遺也。敢不

敬歟。愛其生。將以事死也。彼非老非疾。而飲酒食肉。于汝

安乎。徐師曾曰。上一節。教民事死。居喪未葬。謂喪禮既葬。

如事生。下一節。教民無以死傷生。居喪未葬。謂喪禮既葬。

讀祭禮喪復常讀樂章

俱曲禮。○呂大臨曰。讀喪禮祭禮。欲以禮事其親也。服除讀樂章。先

王制。禮不敢過也。○按。送死人之大事。一有不當。終天之

恨也。人當具虔。固有所不忍言。然至居喪而後讀喪禮。豈

有及乎。必也平時服習而臨時慎加檢點。更得

一真淳。知禮之友。以誥相之。亦庶乎其無憾也。

若第十四章

居親之喪。○其詳具大記雜記諸篇。

父沒而不能讀父之書。手澤存焉爾。母沒而杯圈不能飲。

焉口澤之氣存焉爾

王藻○園樵通○不能猶不忍也解物心瞿哀從中來矣○高愈曰父之

書有不容不讀者當時展而加對吾親讀者父母雖沒將不可以辭害意思謂要必珍貴而護惜之也

為善思貽父母令名必果將為不善思貽父母羞辱必不

果貽遺也從善難力從欲易流念及于親則可以自決矣

右第十五章親沒而不忘

父母有婢子若庶子庶孫甚愛之雖父母沒沒身敬之不

衰婢子高曰賤妾鄭云所通賤人之子若猶及也子甚宜父母愛之而已則敬之重親之愛故禮有加也

其妻父母不說出子不宜其妻父母曰是善事我子行夫

婦之禮焉沒身不衰子有二妾父母愛一人焉子愛一人

焉由衣服飲食由執事毋敢視父母所愛雖父母沒不喪
禮不顧父母去由自也不敢以已所愛惡違其親不敢以
已所愛並于親孝子事親無以有已也至于殯身而棺不
衰可謂能終矣○高愈曰愛惡在親與子未知孰當而在人子惟以親為主焉肌膚親之道然也

右第十六章

順親之愛惡至及身而不忘見孝之久也

適子廢子祇事宗子宗婦雖貴富不敢以貴富大宗子之
家雖衆車徒舍於外以寡約入子弟猶歸器衣服裘衾車
馬則必獻其上而後敢服用其次也若非所獻則不敢以
入於宗子之門若富則具二牲獻其賢者於宗子夫婦皆
齊而宗敬焉終事而后敢私祭

適子舉福也小宗庶子適子之弟宗子舉福也大宗

宗婦宗子之妻。婦必敬宗。敬宗必收族。故宗子爲士。子弟爲卿大夫。不敢以卿大夫之貴。富入宗子之家。而惟以寡約入。所以敬宗也。但宗子爲士。可攝大夫。則大夫所得。猶宗子可用。則獻其上。而自用其次。士不可攝卿。則卿所得。得非宗子可用。則非所獻。而不敢以入矣。始爲大夫。得立三廟。而大夫之廟。亦盡三世。乃毀如祖。父大夫而宗子爲士。則大夫廟猶在。而薦而不祭。若支子有一大夫。則得以大夫禮祭之。但支子不可主祭。故必以上牲獻于宗子。使宗子主祭。而大夫之夫婦齊戒。以陪之。以宗不敢以貴富加之於父兄宗族。同始。祖曰大宗。同高祖以下曰小宗。曰族。小宗之有服者。亦不敢以貴富加之。所以收族。夫爲人子者。三賜不及車馬。故州閭鄉黨。稱其孝也。兄弟親戚。稱其慈也。僚友稱其弟也。執友稱其仁也。交遊稱其信也。曲禮。此因上事宗子待宗族而言。見無往非孝之推也。古之仕者。六命受爵。再命受服。三命

爲侯國之上卿始得賜車馬如親見爲士族而子爲卿則但受命而不受車馬蓋受命可以榮親車馬但以安身不敢以貴富加其親也如是則州閭鄉黨皆稱其孝矣而豈惟孝可稱哉其順德之所推雖收曰于兄弟親戚必加之恩焉同官之僚友必致遜焉同志之耕友必推心焉泛接之交遊亦不忍欺焉而稱其慈其弟其仁其信者莫不從之無往非孝之持故其稱爲最廣也○鄭氏曰卿大夫之子不受者不敢以成尊比踰于父天子諸侯之子不受者爲自卑以遠于君朱子曰若天子之賜爵秩所當得豈容不受疑亦受之而不乘若叔孫之賜輅耳

右第十七章

推愛敬其親之心無所往而不善見孝之大也○祖宗父母之所本宗子祖宗

之所主宗族祖宗之所分故未有孝親而不尊祖尊祖而不敬宗睦族者此武王周公之遺所尊愛所親所以爲孝之至而人亦不可不以此自勉也至于待兄弟親戚無不慈僚友無不弟執友無不仁交遊無不信則所推愈廣而其用亦愈宏矣故曰孝弟也者其爲仁之本歟

曾子曰孝子之養老也樂其心不違其志樂其耳目安其
寢處以其飲食忠養之孝子之身終終身也者非終父母
之身終其身也是故父母之所愛亦愛之父母之所敬亦
敬之至於犬馬盡然而況於人乎心人情願悅之所同志
則其意向之所獨集但
順適之不違則曲體之也忠養盡已之心以養親之志無
所不用其誠飲食忠養猶終父母之身至所愛敬歿身不
窮則非終
子之身矣

右第十八章

曾子曰樹木以時代焉禽獸以時殺焉夫子曰斷一樹殺
一獸不以其時非孝也孝有三小孝用力中孝用費大孝

不匿思慈愛忘勞可謂用力矣尊仁安義可謂用勞矣博
施備物可謂不匿矣父母愛之喜而弗忘父母惡之懼而
無怨父母有過諫而不逆父母既沒必求仁者之粟以祀
之此之謂禮終大戴樹木以下在樂正章下孝有三以下
因述孔子言以明之也孝有三以下大戴亦曾子語思父
母之慈愛而忘其服勤就養之勞此能養之孝用力者也
所尊者仁所安者義凡此夜寐無忤所生此弗辱之孝用
勞者也惟愛敬其親之心而無敢惡無敢慢以至一樹一
獸亦不敢非時用之則孝之所施者博而無一物之遺此
大孝之事不匿者也喜者喜其得親懼者懼其不顧親不
逆委曲以諫無有拂忤仁者之粟謂理所當得生事死祭
一于禮而不苟可謂能終矣此亦不匿之事見不惟施之
博又存之久也舊說大孝天子中孝卿大夫小孝士庶人
夫限于分者制之殊盡之已者心之一順親者真自則終

歷山孝莫大矣
必天子乎哉

右第十九章

自此以下並大戴第五十二曾子大孝篇文小戴附入祭義今以與上章語相

類并屬之此讀者反覆流佚仁孝之意將油然而自生前之間視定省不為徒文也

曾子曰孝有三大孝尊親其次弗辱其下能養公明儀問於曾子曰夫子可以為孝乎曾子曰是何言與是何言與君子之所謂孝者先意承志諭父母於道參直養者也安能為孝乎曾親若舜之德為聖人尊為天子也弗辱弗羞其身弗墮其業也養則服勤就養而已曾子稱之蓋自勉以勉人也公明氏儀名曾子弟子先意意未起而迎之承志志已形而順之諭父母于道則潛移默化使親入于聖賢之域而不知此尊親之至也直猶但也曾子自謙之辭

右第二十章

此承上孝有三而卽以能養明用力之孝也

曾子曰身也者父母之遺體也行父母之遺體敢不敬乎居處不莊非孝也事君不忠非孝也涖官不敬非孝也朋友不信非孝也戰陳無勇非孝也五者不遂哉及於身敢不敬乎亨孰煎臠嘗而薦之非孝也養也君子之所謂孝也者國人稱願然曰幸哉有子如此所謂孝也已衆之本教曰孝其行曰養養可能也敬爲難敬可能也安爲難安可能也卒爲難父母旣沒慎行其身不遺父母惡名可謂能終矣仁者仁此者也禮者履此者也義者宜此者也信

者信此者也。強者，強此者也。樂自順此生，刑自反此作。與上合爲一章，無會。子曰：「字亨孰羶，羶作烹熟，鮮香薦作進，然作焉，安可能也？」下有「久爲難久可能也」七字，熊安本亦同。履作體，信者，句上有「忠者忠此者也」，下有「行者行此者也」。二句，今本裁及於「身作裁及其親」。人受氣於父，成形於母，故身爲父母之遺行猶在也。五者有失，裁及於身，則辱父母之遺體，是辱身卽辱親也。牛羊之氣曰羶，黍稷之氣曰馨，當謂當其旨否？熟烹而進，此其下能養之事也。稱願頌慕也。如此，謂其子之賢，本教言孝爲德之本，教之所由生，其行謂人所共行之事也。本教曰：「孝則不徒在養，可知而養亦衆人之行，則不徒以能養爲難，可知也。能敬其身，則能敬親矣。安心安於敬，無矯拂也。卒終身此敬，無變易也。慎卽敬也。孝之肫摯爲仁，節文爲禮，合宜爲義，篤實爲信，始終不懈爲強。一孝而衆善備焉，順此則不知手舞足蹈而樂自生，反此則不免諸讓誅罰而刑以作。又言敬不敬之所繫，其大如此。○奉父母之遺體而戰慄必勇，何當死而死，卽喪其元，亦全歸也。故病莫大於心死而身

辱次之辱莫大於虧性而虧形次之

右第二十一章

此承尊仁安義明弟辱之孝然使人稱頌其親亦可謂尊親父母及而慎

行其身亦可謂不愆蓋庸行之常推之皆可極其至分有限道無窮也

曾子曰夫孝置之而塞乎天地泝之而橫乎四海施諸後世而無朝夕推而放諸東海而準推而放諸西海而準推而放諸南海而準推而放諸北海而準詩云自西自東自南自北無思不服此之謂也

大戴亦與上章合為一傳猶但作備○置直而立之傳猶

而後之施其出不窮推其進無已準則也詩曰孝思惟則聖人之孝至於塞天地橫四海然不過人心之所同然故施諸後世放諸四海而人皆以是為則也

右第二十二章

此承博施備物以明不匱之孝見必如此而後爲孝之大也

樂正子春下堂而傷其足數月不出猶有憂色門弟子曰夫子之足瘳矣數月不出猶有憂色何也樂正子春曰善如爾之問也善如爾之問也吾聞諸曾子曾子聞諸夫子曰天之所生地之所養無人爲大父母全而生之子全而歸之可謂孝矣不虧其體不辱其身可謂全矣故君子頃步而弗敢忘孝也今子忘孝之道子是以有憂色也一舉足而不敢忘父母一出言而不敢忘父母一舉足而不敢忘父母是故道而不徑舟而不游不敢以先父母之遺體

行殆一出言而不敢忘父母是故惡言不出於口忿言不

反於身不辱其身不羞其親可謂孝矣

廖音抽大戴無善如復句無人朱子

作惟人大戴作人為大矣頃當作跬一鄭本作堂此從大戴及朱子不反於身大戴作不及於己○樂正氏子春名亦會子弟子高愈曰萬物稟氣於天故於天曰生乾之始也受形於地故於地曰養坤之成也而得其秀而最靈者則莫如人焉全而生者形生而理具四體五常無不備也全而歸者不虧其體以全形不辱其身以全德也足一舉曰跬兩發曰步道路之正者徑路之小而捷者捷步曰游不以遺體行殆則形可全不辱身以羞親則性可全也○高舉龍曰父母全而生之子全而歸之親之孝子也天全而生之人全而歸之天之孝子也先君子常有追遠詩句通每三復輒凜凜焉

右第二十三章

此又因上弗辱而言蓋能養者衆人之事君子之所不敢安也肅親者

人之事學者之所未易幾也能弗辱其身則下庶
於衆人而上亦可希聖域也故復以是終焉○芮城
曰內則百禮之根茲也其教備於男女之始生自孩
提稍長能食能言以至就傅姆教無日而非禮也若
是庶可稱孝乎曾子曰孝子之身終非終父母之身
終其身也夫人能終身不忘孝則賢人君子之名不
立可矣若夫內行不足而外取色莊斤斤於辭讓溫
恭習儀以亟而曰我隆禮由禮直謂之不知禮可也

禮記卷二之二

任啓運章句

少儀

孔本第十七。朱子儀禮第十九。今定為第四。朱子曰：此言少者，事長之節。註：蘇

以為細小威儀，非也。今蓋其雜亂而別，取他篇弟子禮補之。愚按：孔子曰：人則孝，出則弟，有子曰：孝弟也者，其為仁之本與？今因朱子所採略，差次之以次內，則言孝之後。

人生十年曰幼

朱子學句下二十曰弱冠三十曰壯有室

四十曰強而仕五十曰艾服官政六十曰耆指使七十曰

老而傳八十九十曰耄七年曰悼悼與髦雖有罪不加刑

焉百年曰期頤

曲禮。八十下孔云：或有曰：童字耄或作。庶朋朱子音基方如字。幼少力之名。弱

血氣未足也。壯則方剛矣。強則堅定矣。孔云：氣力強則智慮亦強也。艾髮蒼白色如艾色。或曰：髡也。始衰當養也。唐

虞時則七十曰艾者至也賀瑒曰至老之境或曰積久也
老悖忘之意悼可憐惜也期周也朱子曰百年已周也方
怒曰望也人以百年爲期也學不可不豫故幼而學始成
人故冠任生育故有室能事人故仕仕事也爲士而治官
府之小事能治人故服官政官管政正也爲大夫統大政
以正人也指使指其事以使人或曰指旨通以意旨使人
也傳授家事於子孫不煩指使也孝智已衰悖智未及情
有可原故不加刑顧養也但安養之而已。程子曰人之
幼也知識未有所主便當以格言至論以陳於前雖未曉
解久自安習雖以他言惑之不能入也若爲之不豫及乎
稍長私意偏好生於內衆口辨幼名冠字五十以伯仲死
言錄於外欲其純完不可得矣幼名冠字五十以伯仲死
謚周道也檀弓。古人尚質相呼皆以名至商乃有字姬
夏帝號皆舉名商王號太甲沃丁皆字也湯崩
而稱武王已爲謚之始而歸王諸臣尙無之至周則彌文
矣故推幼乃名賈逵云既冠則朋友相稱曰伯某甫仲某
甫至五十卑幼并不收字之而專稱伯仲至死則有爵者
謚凡以敬其名也。孔氏曰稱字之法舊家多仲尊尊也

文家多叔。年長以倍，則父事之；十年以長，則兄事之；五年

以長，則肩隨之。羣居五人，則長者必異席。曲禮。二十而

十則筵之。蓋既冠，有為人父之道，故年長二十則父行也。

肩隨，筵行而差退也。席以四人為節，故五人則最長一人

異席。因宜而有所尊也。四人共席，則

右第一章。朱子曰：長幼之差等。

童子不衣裘裳。曲禮。不收川成人之盛服也。孔氏曰：衣

曰八歲以上。小子走而不趨。木立必正，方不傾聽。曲禮。

服哀則亦哀。小子走而不趨，立必正，方不傾聽。尊長於

傾耳以聽，則邪邪正之間，心術所繫，故必謹之。尊長於

已踰等，不收問其年，見先生從人而人。句玉燕見不將命。

遇於道見則面不請所之

踰等祖父師長之行輩不敢問其年嫌若序齒也從人而人不

敢特見恐煩長者為禮也不將命不敢以賓客自居也若

始見君子則亦將命見則面恐有教令也若不見則隱避

恐煩長者酬答也不請喪俟事不恤躬本篇聽事不麻無事

所之不敢以言語煩也

則立主人之北南面王藻。弔必俟主人之哭乃入不以弔賓自居也若值族人總服之喪而

往聽使令之事但免而深衣不加麻經情未能哀也立主

人之北待有事也童子非常室不免而此免者主人既

成服而童子無繆故但免待坐弗使不執琴瑟不畫地手

也若主未成服則亦不免

無容不娶也寢則坐而將命非長者命之鼓琴瑟則不敢執非有事當畫地指陳則不

畫不敢弄手以為容不敢揮扇以驅熱皆端慎以為禮也

坐跪也古人之坐膝著于地亦若跪然但安其身為坐起

其身為跪坐逸而跪勞也長者侍射則約矢侍投則擁矢

則跪而將命不敢立以臨之也

勝則洗而以請客亦如之不角不擢馬

射禮二人為耦中庭置楅楅置矢

每人四矢更迭取之取畢楅三千要挾一以射卑幼則不敢迭取而并取之投壺亦每人四矢皆委于地迭取以投卑幼則不敢委地而并執之射與投壺既勝司射命酌勝者之子弟酌酒置上豐上不勝者立取解縱而伏之卑幼勝則不敢使子弟而自洗爵請長者行觴不勝亦不待酌已而自洗爵請長者行觴也即或他往而主人客之其禮亦然終以卑幼自居也角兕觥爵也川獻酬之爵而不用兕觥不敢明長者之失也馬以記勝詳投壺篇每勝必立一馬三射三投而我二勝則并彼一馬取而有之謂之置馬卑幼不擢不敢明己之勝也

右第二章

朱子曰幼者之品節

汜婦曰婦婦席前曰拊拊席不以鬣執箕膺搗

拊糞通古作婦後人

省文或作拊或為拊弟子戲作搗○汜廣也孔云此主人與賓酒婦之事達客大賓內外皆婦近路小賓止婦席

前恩謂此當通凡洒掃者而言。執婦地之帚。婦地則執故
婦席上不得用之。席。肘也。搗其舌也。始進及婦而退。皆以
箕。舌自向其胸。不以
賤穢當尊長之前也。凡為長者糞之禮。必加帚於箕上。以
袂拘而退。其塵不及長者。以箕自鄉而扱之。曲禮。拘音
後凡朝向之鄉。於此扱音扱。此乃專言弟子之禮。初往
婦時。置帚箕上。兩手捧箕。弟子職所謂執箕。膚。搯。厥中有
帚是也。當婦則以一手捉帚。一手舉袂。障于帚前。卻步而
行。所謂拊前而退。聚于戶內也。扱。斂取也。婦畢。則以箕舌
向已。扱取其穢。所謂坐扱拊
之以揲。適已實帚于箕也。

右第二章

洒掃之禮。姚舜牧曰。古人于幼學。必教

之也。凡人之心。自幼至長。以漸而肆。于幼不知檢飭。
其長也。矜驕無情。有不可勝言者。聖人知其然。故于
幼學。獨加謹而豫養焉。蓋教之敬謹。使日習而安。而
驕氣浮心之不作也。看為長者糞一段。如何小心。如

何謹愼非誠意正心之根柢而何故酒掃應對進退
之節卽聖學之始事也易曰蒙以養正聖功也故教
子弟者必自酒
掃應對進退始

奉席如橋衡請席何鄉請衽何趾席南鄉北鄉以西方爲

上東鄉西鄉以南方爲上曲禮。橋鄭曰去聲陳讀平聲

而言橋鄭曰井上桔槔孔曰衽橫也捧席之儀左昂右低

其形如桔槔之橫蓋舒席之設則上首下尾卷席之末則

昂左低右皆貴陽而賤陰陳謂如橋之高如衽之平誤也

何鄉何趾見內則朱子曰東鄉南鄉之席尙右西鄉北鄉

之席尙左孔氏曰坐在陽方則貴左坐在陰方則將卽席

貴右然亦常時布席則然非禮席也此設席事將卽席

容毋怍兩手握衣去齊人衣毋撥足毋蹶先生翬策琴瑟

在前坐而遷之戒勿越齊齊通音容後凡衣邊放此。將

子未與人相接。初來就師。其容每如愧赧。故戒之。劉寔謂勿使威儀有失。而可愧非也。握衣令起。手去齊尺。恐足躡之。而難于坐也。極分散貌。蹶。傾跌貌。握衣以坐。則衣易于分散。而手既握衣。則坐而下。如傾跌然。皆爲失容。故又戒之也。越。謂顛越播亂之。先生書策琴瑟。當已坐前。亦當遷之。但不可顛越播亂也。或作踰越其上非。○此初卽席事。虛坐盡後。食坐盡前。坐必安。執爾顏。長者不及。毋僂言。正爾容。聽必恭。毋勦說。毋雷同。必則古昔。稱先王。盡儘通僂音暫勦抄同王叶洪。虛坐。講說之坐。盡後。示謙退也。食坐。飲食之坐。盡前。恐汗席也。安。不動搖也。執。不變易也。童子坐久。則有厭倦之意。故訓之。僂。錯雜之意。或君子自言。或與人問答。其語未畢。不及于我。不可從中參錯之也。至長者及已。則當正容而聽。然會其理而詳議之。或已有所陳。不可竊取人言。以爲己之有。不可附會他說。而若雷之同。要必法古聖之言。述先王之典。不可已自專輒也。○此既卽席而應對之事。毋踐履。毋踏席。握衣趨。

隅必慎唯諾

俱曲禮。踏音迹。席叶灼。趨一作走。踏錯而踐之也。朱子曰：衆人共坐一席，前爲上，後

爲下，同列先至，脫屣堂下，旣卽席而盡後以生，此童子後

至，則易于勿遽，故戒以堂下不可踐人之屨，堂上不可踐

人之席，惟當由已席後之下隅攝衣以升，旣坐而

平心靜氣，以爲應對也。此後至而卽席之事。

右第四章

布席卽席之禮。朱子曰：此章及將上堂等協韻處，皆古人初教小兒語，吳澄曰：句

短而韻，諸蓋取其誦讀之易，而便于童習也。

愚按：知此，則知舊說之未深者，反得謬矣。

侍坐於長者，屨不上於堂，解屨不敢當階，就屨跪而舉之。

屏於側，鄉長者而屨，跪而遷屨，俯而納屨。

曲禮。禮席在庭，則屨不入門。

席在堂，則屨得入門而不升堂。席在室，則屨得升堂而不

入室。此長者席在堂，故屨不升堂也。脫屨不當階，恐妨後

升者也。退則就階，側跪而取屨，卽屏於階側而納之，而猶

面向尊者，不敢背也。納必俯者，跪則跂向後，不便納也。禮

跪左納右跪右納左。鄭以屏于側為暫時獨退鄉長者而履為禮畢退去而長者送之。朱子謂長者不當送愚意

鄭所謂送或身略起而目送之與。排闥說屨於戶內者一人而已矣有尊

長在則否。說脫同。排闥闥扉也。戶謂室戶。此長者席在室故屨不入戶也。長者一人脫屨戶內雖平敞

必有所尊若先有一人脫屨戶內則皆脫屨戶外亦讓道也。許南謂上句見平敞之禮下句見尊長之禮有尊長在

則無私敬。侍坐於所尊敬無餘席見同等不起。上客起食也亦通。

至起燭至起燭不見跋尊客之前不叱狗。曲禮。無餘席。侍坐者必于旁席之上端以迎尊者則扶持便聽斷審也。

鄭曰以待後至者亦通同等不起無私敬也。上客則起尊者所敬亦敬之也。食至起以禮之行燭至起以時之變。跋

燭廬也。古者束薪為灶前炬將盡承以後炬其燼盛之以

槐人代執燭乃出棄之弟子職所謂代燭交坐乃取厥侍櫛遂出是去是也不叱狗不敢以至賤駭尊者之聽也。

坐於先生先生問焉終則對請業則起請益則起問終而後對欲

盡所問之旨且不攸僥言也請業求當爲之事請益求再有所加必起者禮以變爲敬也侍坐於君子

君子問更端則起而對更平聲凡更易之更放此○更端更易他事其起亦以變爲敬也

侍坐於君子若有告者曰少閒願有復也則左右屏而待

閒去聲凡閒斷問隙放此復音伏○復白也欲待閒而白必密言也君子不敢干人之私故若左卽避于左右卽避

于右而猶待者恐侍坐於君子君子欠伸撰杖屨視日蚤

莫侍坐者請出矣俱曲禮○莫從日入中會意後又加

僂撰杖屨則欲起視日蚤莫則欲侍坐於君子請見不請

退君子欠伸逌筴澤劍首還屨問日之蚤莫雖請退可也

避亦轉也。澤手弄之使生光澤也。凡人之情企慕則未厭怠則去故不可請退。然君子有倦容則亦可請退矣。以申文上。

右第五章

侍坐之禮。長以年言尊以輩言先生以齒德言。君子則兼言之。要亦互文也。

燕侍食於君子則先飯而後已。毋放飯毋流歎。小飯而亟之數噉毋爲口容。客自徹辭焉則止。放飯之飯鄭如字朱子並讀去聲數音朔。噉一作噉。燕侍食謂君子以客禮待之而用燕禮而此所燕者則以卑幼自居而用侍食之禮也。先飯若嘗食後已若勸食皆侍食之禮。放飯鄭謂以手餘粒放之器中爲人所穢。朱子曰放飯大飯流歎長歎皆不敬也。小口而飯以防殘噉急疾而噉恐承顧問噉之微細故宜數噉然易至。開口爲容故又戒之。賓主之禮主人親置則客親徹今少者爲客雖不親置亦自徹之以盡卑幼之禮。主人辭則止又以成賓主之禮也。侍食於先生異

爵者後祭先飯

玉藻。異爵爵之尊于已者其侍食之禮與先生同尊祭則卑不祭而先飯降等之

客則後祭而不先飯今少者為客必命之侍食於長者主祭乃後祭而猶先飯若當食然禮彌恭也

人親饋則拜而食主人不親饋則不拜而食

曲禮。親饋而拜謝其禮

已也不親不拜恐反煩長者之答禮也降等之凡食果實客執食與辭此不辭者以少賤自居亦彌恭也

者後君子火孰者先君子

玉藻。果實生成熟無待于食故以後食為恭火孰則恐久飢故

以先嘗為敬也食豇桃李弗致於核瓜祭上取食中棄所操

玉藻致

核也食果必極于核則似于弄口而不戒故戒之孔謂當慎其核不可委致下地似與于字不顧瓜以近蒂處為上

脫花處為下觚為中削瓜之禮士竟之則魯中斷度人乾之乃不中斷今以卑幼但切上一環以祭而不中斷禮如

與人亦侍飲於長者酒進則起拜受於尊所長者辭少者

謙也

反席而飲長者舉未醕少者不敢飲曲禮舉爵則坐祭立

飲尊所設尊之所燕禮尊于東枹之西明惠之必出于君

此亦當在長者前明惠之必出于長往尊所而受向長

者而拜異于賓主之禮也辭之則止不違其意亦以成賓

主之禮也盡爵曰醕長者盡爵而少者始飲尊卑之序也

長者立而祭即席而飲少者跪而祭立御同於長者雖取

而飲雖客之終不敢與長者為故也

不辭偶坐不辭曲禮○武重膳也鄭謂侍食于長者而與

而使已配坐同食辭之則為客嫌故皆不長者賜少者賤

辭也陳謂侍食不辭解偶坐不辭席亦通

者不敢辭曲禮○凡以此通凡受賜而言辭而後受故

禮見
下篇

右第六章侍食之禮視降等之客又加謹焉蓋降等

者兄事而此則父事者也其平敵降等之

父召無諾先生召無諾唯而起曲禮。召謂使人召之。唯而即起。急於赴令也。陳結

曰父以恩師以義故其敬同侍於君子不顧望而對非禮也侍通侍立侍坐而言

顧望察言觀色之意言未及而言謂之謀於長者必操几誤未見顏色而言謂之賢皆非禮也

杖以從之長者問不辭讓而對非禮也曲禮。已欲有所為而就長者謀其

得失必操几杖以往恐勞長者而致其安之意也或長者未告而先問我意旨之所在或既告而復問我從違之

所定亦必辭讓而後對不然洗盥執食飲者勿氣有問焉則似自決而非就正之意矣

則辟呬而對辟偏也呬自口至耳之間所謂頰也凡捧洗盥之水及進飲食之物皆不可使口氣直觸

長者即長者此時有問亦偏向長者耳長者與之提攜則旁對之不可使口氣之觸慎之至也

兩手奉長者之手負劔辟呬而詔之則掩口而對曲禮。提攜攜

幼者之手狀如提也。搯以兩手不敢如平敵之一手相搯致其恭也。負劍邪俯之狀。古人負劍于背將用則邪俯其首乃拔之。長者俯就幼者口旁而語之則掩口而對亦恐其氣之觸也。鄭謂與之提攜教以扶持長者之法。負置幼者于背劍挾幼從長者而上。上陵則必鄉長者所視。上上者于旁似未確。從長者而上。上陵則必鄉長者所視。聲凡自下而上放此。土高曰正。大阜曰陵。從長者所視不敢遊目。避不格也。且恐長者因其所見或指而問。避不審也。從於先生不越路而與人言。定于一尊。遭先生於道趨而進。正立拱手。先生與之言則對。不與之言則趨而退。趨而進則面也。正立拱手致敬以待。見父之執不謂進不敢進。不教令也。趨而退不敢潛也。謂之退不敢退。不問不敢對。此孝子之行也。俱曲禮。或偶逢敬父之友如父焉。孝之推也。

右第七章

應對進退之禮

子曰立愛自親始教民睦也立敬自長始教民順也教以
慈睦而民貴有親教以敬長而民貴用命孝以事親順以
聽命錯諸天下無所不行祭義○愛莫切於事親故立愛必自親始敬莫切於佛長故立敬必自長始孝弟之道盡人同具而民或昏於氣或溺於
習則亦失之惟聖人以身立教身盡其道而民自化之至
於人人親其親長其長則孝弟之道洽於天下而天下又
安此孝弟之所以為大而后王降德兆民必以此為先也

右第八章

引孔子言以結之○家語哀公問政章曰善而罔執之者下公問行之所自始而孔

子答之以此無博學之以下三節疑屬後人補綴不若中庸緝密

禮記卷二十一終

禮記卷二之三

任啓運章句

玉藻

孔本第十三丙本第二十二今定爲第五。鄭云名玉藻者以記天子冕服之事愚謂此特取

篇首二字以名篇其所記固不止此也劉向別錄與曲禮少儀並屬制度得之朱子別大夫士見於國君以下人士相見禮第九將適公所以下爲臣禮篇第二十一首章及贊大行以下爲王制之名器篇今竊取朱子意就本篇差次之前十三章君臣之禮次五章朋友賓主之禮合之內則言夫婦父子少儀言兄弟長幼而五倫之禮亦畧備矣飲食一章本內則文今按中饋固婦人之職而事親侍長以及君友之燕享莫不有禮食之品目故取次五倫之後且與贊大行章飲食衣服器用亦以類相從也

天子玉藻十有二旒前後遂延龍卷以祭帛端而朝日於

東門之外聽朔於南門之外閏月則闔門左扉立於其中皮弁以日視朝遂以食日中而餽奏而食日少牢月朔大牢五飲上水漿酒醴醕卒食平端而居動則左史書之言則右史書之御轡幾聲之上下

藻絲同一作琰延一作經卷衮通端卿讀冕今如字

幾平聲。藻絲采繩旒冕之垂者也。玉皆五采先朱次白次蒼次黃次赤采繩貫之周而復始衮冕前後各十二旒旒各十二玉其長及肩此皆天子制也諸侯玉皆三采先朱次白次蒼卿大夫二采先朱後絲其旒其玉各如其命數遠深也延冠上覆也以板爲之衣之以布平表纁裏前後緇之以旒天子旒多而長故望之深邃其下則漸疎且短矣龍卷龍於衣其首卷然故謂之卷也祭祭先王也平端朝日蒙上玉藻而言言祭則衮冕而卷衣朝日則衮冕而平端孔晁謂大采朝日用衮冕少采夕月黼衣平冕是

也。端正也。先鄭云衣有襦謂之端。後鄭改讀見。愚按天子祀天主以日。戴冕皐十二旒。是祀日常以袞矣。諸侯朝天子大夫朝諸侯皆平端。是天朝日亦當平端矣。若平冕乃祭羣小祀之服。於朝日奚取焉。朝日以春分夕月以秋分。聽朔以月朔。東門南門皆謂國門也。明堂在國之陽。每月就其時之堂而聽朔。閏月非正故亦於其月之堂而閏其左。屏者十二月之次。自左而右。明至半則右也。皮弁以白鹿皮爲之。其衣則十五升白布。其裳亦素積。此天子常日視朝之服。諸臣之朝同之。若諸侯來朝則亦袞冕受之也。餼食朝食之餘不再殺也。奏謂奏樂。平端而居則平衣而平冠也。左史太史右史內史也。史記言動使君懼後世之譏而不敢縱也。御替樂官之口御於君者。登之上下可以驗民氣之哀樂。卜政治之乖和。故察之而以告也。龍卷而祭以尊祖也。平端朝日以敬天也。月聽朔而日視朝以勤政也。朝服以食敬於養身也。平端而居不懈於內廷也。月朔太宰常日少牢。豐儉有宜也。日食不再殺用物之節也。食必奏樂養中和也。五飲上水者淡泊也。史記言動常戒懼也。御替幾聲察治忽也。外而朝庭內而宮寢無時無處

而不以禮焉此君德所以清明而邪僻之幾婦寺之害皆無自而入也

右第一章

天子之禮

諸侯平端以祭裨冕以朝皮弁以聽朔於大廟朝服以日視朝於內朝朝辨色始入君日出而視之還適路寢聽政使人視大夫大夫退然後適小寢釋服又朝服以食特牲三俎祭肺夕深衣祭牢肉朔月少牢五俎四簋子卯稷食菜羹夫人與君同庖

端鄭讀冕今如字。平端亦冕而平端也。祭先君也。裨副也。鄭曰天子

六服大裘爲上其餘諸侯亦得服焉裨冕裨衣而冠冕上公衮侯伯鷩子男毳戴氏侗曰裨冕之次者諸侯朝天子則降而服其次如公當衮則服鷩侯伯當鷩則服毳猶當乘輅而墨車以朝也愚按周禮司裘掌爲大裘以共王祀

天之服司服掌王吉凶之服祀昊天上帝則大裘而見記
言郊之日王被衮以象大裘衮以象大裘之上是也
鄭謂大裘爲上裘服爲禪謬矣諸侯朝覲戴禪冕乘墨車
者近天子而屈其體有過宜貶黜也天子賜之路車平衮
以歸然後如其命服遠天子而伸且示新受命也朝服平
冠緇衣素裳亦若臣同服內朝治朝也在路門外對詢萬
民之朝故曰內朝若對燕朝則又爲外矣路寢在路門內
燕群臣及宗人燕事於此故又曰燕朝小寢燕寢也以對
路寢故謂之小若夫人之正寢小寢又在其內也廟祭爲
重聽朝大之視朝又次之燕居爲下諸侯視天子降一等
故以天子聽朔之服祭朝視朝之服聽朔也臣入先君所
謂膳者先明尊卑之等也視朔而見群臣以通上下之情
聽政而造路寢以決可否之計必大夫退而後釋服恐猶
有獻替也經朝服乃服深衣三組豕魚脂五組則加羊與
腸胃也宋卽特牲之餘爲盛黍稷之器內方面而外圓受一
半二升高一尺足高一寸九爲之天子飾以玉諸侯飾以
象漆亦中常日二簋楅梁月朔四簋加黍稷豐殺之宜也
村以甲子死復以乙卯亡無道被誅故後王以爲疾日服

降而自省。夫人不特殺。故與君同庖。鄭謂后與王亦同庖。姚謂此惟言夫人則后異矣。按夫婦同牢。以同尊卑。則鄭得之。天子內外一於敬。而諸侯亦然。此國之所以治。而天下亦於是平也。

右第二章

諸侯之禮。天子天下之君。諸侯亦一國之君。君正則臣莫不正。故言君臣之義必

以是先焉。

將適公所。宿齋戒。居外寢。沐浴。史進象笏。書思對命。既服。習容觀玉聲。乃出。掛私朝。輝如也。登車。則有光矣。觀去聲。沐浴。以致其精誠之意也。史掌文書小吏。凡已所思而欲進告於君。及君常問而擬所以對。皆書之笏以入。今日君有所命。又書之笏以出。備忽忘也。觀容中禮。聲節中樂。豫習之。乃出。體忽儀也。其家臣先待於私朝。大夫出揖之。乃入。公朝。輝其容節威儀之美。光。在朝言禮。問禮對以禮。禮。則又盛於輝矣。此人朝之禮。

○諸臣謀議一於禮焉敬
之至也○此在朝之則
輟朝而顧不有異事必有異慮

故輟朝而顧君子謂之固
曲禮○輟猶畢也異事國有傾危之事其慮事雖未著而大有

可憂其回頭者心之所係容自隨之也不然而何以哉故謂之不達禮也○此退朝之則

右第三章
大夫士朝於君之禮

大夫士出入君門由闕右不踐闕
曲禮○闕樞闕伏也門上有楣下有闕旁有楹

中有闕闕西為左賓人出之闕東為右主人出之凡宮室謂東為左此以東為右者虛植云門以向堂為正也朱子曰無客則闕其左若出人皆以右鄭云臣亦由右統於君也饒魯謂君出人皆由左出以東為左人以西為左臣出人皆由右出以西為右人以東為右譯矣臣雖統於君而出入不敵當板闕之中稍偏西近闕以避尊也不踐闕以政格也當時若入門介拂闕大夫中振與闕之間士介拂之出入如此

根。此以從君朝於鄰國而為介時言之。兩君相朝，主君在東，賓君在西，出入皆當根闕之間。其上介，賓後稍東而衣拂闕，大夫士雁行於後。大夫介當根闕之中，士介近西而衣拂西根矣。大夫中門不以為嫌者，從君非當尊也。皇甫侃曰：主君出迎賓入，上賓入不中門，行不履闕，公事自闕。西私事自闕。東，此以聘於他國而為賓時言之，不中門，不履闕，雖為賓猶守臣禮也。孔氏曰：聘享奉君命而行，謂之公事，入自闕西，用賓禮也。私覲私面，謂之私事，入自闕東，從臣禮也。

右第四章

出入君門之禮

凡君召以三節，二節以走，一節以趨。在官不俟屨，在外不

俟車。

孔曰：節，以玉為之，所以將命而明信者。急則持二，緩則持一。官，朝廷治事之處。外，其家及官府也。急趨君

命，行出而屨及之，車隨之，則納屨。駕車而行，而其初固不俟之也。

君命召，雖賤人，大夫士

必自御之

曲禮。御音迓。御迎也。雖賤必迎尊君命也。

右第五章

應君名之禮

君命大夫與士肄。在官言官。在府言府。在庫言庫。在朝言

朝。

曲禮。官有職。掌朝有紀綱。府藏貨財。庫貯物用。隨君命所在。而與士肄習之。不敢越也。

君言至則

主人出拜。君言之辱。使者歸則必拜送於門外。

使去聲。凡奉使放此

。君有所命而臣受之。其敬如此。

若使人於君所則必朝服而命之。使者

反則必下堂而受命。

俱曲禮。命之。命以所使之事。臣有所請告於君。其敬又如此。迎君使

出門尊也。已使反止下堂卑也。使人不下堂以已命往受命下堂以君命來也。

右第六章

受命請命之禮

凡爲君使者已受命君言不宿於家曲禮。急君命也。大夫士見

於國君君若勞之則還辟再拜稽首君若迎拜則還辟不

敢答拜勞去聲凡慰勞放此還旋同凡周還放此。大夫奉君命出使行聘享私覲禮訖彼君送之至大門

問君問大夫勞賓則先還辟若不敢當而後再拜稽首以

謝君之勞若初至其國而君卽迎拜倘以賓拜則嫌於抗

拜也。反命於君君勞之亦旋避再拜稽首大夫私行出

疆必請反必有獻士私行出疆必請反必告君勞之則拜

問其行拜而后對士有獻於君他日君問之曰安取彼再

拜稽首而后對俱曲禮。私行謂以已事出若季友如陳墓原仲人臣義無私交故必請必告大夫

不言告文畧也士不言獻士卑或無所獲也問其行問所

經歷及無恙拜而后對忌於謝見問之寵也安取彼國從

得此物他日君乃問者士獻於外不親致恐君之答已也
大夫以聘問出有獻不拜恐君之答已也君不答士拜
而遠行歸亦答勞
若之異於常也

右第七章

受命出疆及私
行出疆之禮

凡侍於君紳垂足如履齊頤肅垂拱視下而聽上視帶以

及袷聽鄉任左

身俯故紳垂而肅委地足如履之觀其願
則面俯者其頤若需之注觀其手則身俯

者其手亦拱而垂

且人之耳本與日平今頭俯則以視之

下遂覺其聽之上

此立時視聽之容也若侍坐於君則其

視也下之及朝服之帶上之及領頭之袷

其聽也凡立則尊右

近君若專任左耳者然此坐時視聽之容也

凡立則尊右

坐則立則

磬折垂佩主佩倚則臣佩垂主佩垂則臣佩委

曲禮。磬折如磬之折

主亦君也對文國曰君家曰主散

文則通身直則佩倚俯則佩垂

更俯則佩委地矣臣客常

俯而又當視君之俯仰以爲節此又以侍立言之或曰主謂聘時主國之君退則必引而去君之黨或退而君不許則必引避是君黨之下不敢逼近以示恭也此又以侍坐言之

右第八章

侍於君之禮

賜果於君前其有核者懷其核曲禮。敬君之賜雖核不敢棄且避不恭也御

食於君君賜餘器之漑者不寫其餘皆寫曲禮。陶木之器可漑則因其

其器食之。凡竹織成之器不可漑必寫之他器乃食不敢以口澤棄君也若賜之食而君客之

則命之祭然後祭先飯辯嘗羞飲而俟若有嘗羞者則俟

君之食然後食飯飲而俟辯如諸編。君客之而弗賜食則客先祭君後祭賜之食而不

客則君祭臣不祭若賜食而客之則君既祭客亦得祭然必君命之祭乃祭也若客臣則膳宰爲主人而不嘗羞臣於此先飯而偏嘗羞若代膳宰爲君嘗食者以侍食之禮自居不敢當客禮也若君不客之則嘗食者自有膳宰則必俟君食乃食則無嫌於爲賓也飲將飯食而先啜飲防噎也先飲賤者先即事之意必俟君飯滄乃飯者不敢先君飯也孔子告食於君本非客之君命之羞羞近者而君祭先飯十次雖曰其禮加謹矣

命之品嘗之然後惟所欲凡嘗遠食必順近食品亦偏也君食乃食

而臣猶未敢食羞君命食羞而猶未敢偏食必君命之偏乃唯所欲謹之至也嘗遠必先近循序而進不貪味也此

通君客之與君未覆手不敢殮君既食又飯殮飯殮者三不客之而言

飯也通音福凡反覆放此殮當作滄字悞也凡夕食屬殮水滄飯曰滄覆手食畢而以手循口之兩旁恐有手著之垢也覆手食畢而以手循口之兩旁恐有手著之垢也禮食竟更以水洗飯作食者以勤飽君未飯竟臣不敢滄故先飲而俟至此

君食畢臣勸君三滄君既徹執飯與醬乃出投從者食

三滄卑臣亦三飯滄也君既徹執飯與醬乃出投從者食

竟既徹饌臣乃自執已之飯與醬出授已之從者以此食

為所當得故也○孔氏曰此非客禮故得以已饌投從者

若公食大夫禮則賓取柔與醬降奠於西階不以出也若

非君臣但是降等則但徹之以授主人之相賓主敵者則

但徹於西序端君若賜之爵則越席再拜稽首受登席祭之飲卒

爵而俟君卒爵然後授虛爵賜爵朝夕侍君而或賜之非

事之意後授虛爵不敢先若饌也○孔氏曰若君子之飲

燕禮則先受爵奠爵再拜俟君先飲而後臣飲

酒也受一爵而色洒如也二爵而言言斯禮已三爵而油

油以退退則坐取屨隱辟而後屨坐左納右坐右納左王

木言字油字無重文亦無已字鄭本言讀問○飲酒謂君

賜爵而飲之洒如禮度明肅貌閑閑意氣和悅貌王謂二

爵而語。語必以禮。斯鄭屬上云猶耳也。今屬下言此乃禮也。油油謙重自得之貌。初升時脫履堂下。故退必納屣。然必跪而取。隱避而紉。不敢當君以爲敬也。士相見禮君爲之興。則曰君無爲興。臣不敢辭。君若降送之。則不敢顧辭。送出大門則辭退。下北三門比辭。朱子曰詳畧不同。宜參考。

右第九章 君前受賜之禮

酒肉之賜弗再拜。賜酒肉於家。既拜而受。則明日不復往拜之。以其輕也。若不得受於家。則明日

必拜。君賜車馬。乘以拜。賜衣服。服以拜。賜君未有命。弗敢其家。君賜車馬。乘以拜。賜衣服。服以拜。賜君未有命。弗敢

卽乘服也。車馬衣服。賜則重矣。故既拜受於家。明日又乘之。服之以往拜。所謂再拜也。然其所賜之車馬

衣服。猶必藏之。不敢常用。必君再命。乃乘服之。尊君之賜不敢遽發也。鄭訓齊大夫爲君聘於王。王賜之車馬衣服

歸。必致之。君命乃乘服之。如叔孫大夫親賜士。士拜受。穆子聘於周。王賜以輅之類。亦通。

又拜於其室。衣服弗服以拜。敵者不在，拜於其室。大夫親

再拜使人賜則否。降於君也。衣服弗服以拜，亦降於其君也。敵者相饋，惟不親受，乃往拜之。不然則否。更與士受大

夫之禮。大夫拜賜而退，士待諾而退。又拜弗答拜。本篇君有

異矣。賜弗面拜為君之答已也。郊特牲。○大夫往君門拜賜及

則侯小臣傳命以出。又拜君之諾而退。所以然者，君弗答

士之拜，故留以俟命。君必答大夫之拜，恐侯命則君召而

答已之拜，故君賜稽首，據掌致諸地。本篇大夫之臣不稽首。

非尊家臣以辟君也。郊特牲。○據掌，鄭云吉事尚履，左手

頭在手上，亦至於地。諸侯於天子稽首，大夫於諸侯亦稽

首，各於其國，遠則無嫌，家臣於大夫不稽首，同在一國，近

則有嫌，故避之也。

右第十章

於家受君賜之禮而士受大夫賜附見焉

凡於尊者有獻而弗敢以聞

不敢直言獻於尊者如云致於有司敢稿從者皆謙詞也

膳於君有造桃茢於大夫去茢於士去葷皆造於膳宰葷

性辛烈之物茢帶也桃茢皆以辟除不祥方慤曰桃以性

董以氣茢以形形不如氣氣不如性故惟桃不可去愚謂

君備物而大夫士遞降亦以明分也言造於膳宰所謂弗敢以聞也凡獻於君大夫使宰士

親皆再拜稽首送之大夫使宰恐君召進之而答拜也若士則可親往矣再拜始拜送於家及

君門大夫宰代拜士又親拜或曰再拜兩拜也

申大夫使宰之意

右第十一章

有獻於君之禮而獻大夫士亦附見焉

君有疾飲藥臣先嘗之

曲禮○註
詳內則

右第十二章

侍君疾之禮

凡祭於公者必自徹其俎

曲禮○祭畢則歸賓客之俎而臣必自徹不敢以賓自居也若

君辭而使人歸之則臣歸而待賜
鄭云士必自徹大夫或使人歸之

右第十三章

助祭於君之禮

凡執主器執輕如不克執主器操幣圭璧則尙左

行不舉足車輪曳踵

主謂君也如不克敬謹之至也聘於天子

薦皮幣尙左手兩手端拱而左在外吉禮故尊陽也車輪曳踵行不離地如車輪之附地而行也

執天子

之器則上衡國君則平衡大夫則綏之士則提之

俱曲禮○綏音

要○平衡手與心齊上高也高於平衡
綏下也下於平衡若提則更下及要矣

右第十四章

此君器之禮而執大
夫士器亦附見焉

凡摯天子鬯諸侯圭卿羔大夫雁士雉庶人之摯匹童子
委摯而退野外軍中無摯以纓拾矢可也婦人之摯棋棊

脯脩棗栗

曲禮○以禮有紙皮幣工商雞○摯贊通一作
贊匹一作爲音木○贊執物以相見所以贊己

之誠故亦名質鬯醴杜季爲酒其芬香餘暢於上下也天
子至尊無執摯見人之禮而鬯以接神亦摯之義也圭詳
後贊大行章取溫潤而剛正德之純也羔取群不失類且
知敬孝也雁取知時且飛有行列也雉取耿介文明且死
不失節也匹不能飛象底人海朴也摯以象德故嚴其辨
如此童子之摯束脩之類委之於地而卽退不敢煩長者
答禮也纓馬絛拾射隼野外軍中猝然相遇未備當執之
摯而或情勢不容不相見則卽以其所有若纓若拾若矢

爲擊亦可。不敢以無禮見也。根白石李形似珊瑚味甘美。榛似栗而小。脯乾肉無骨者。脩卽脯。又加脩治端正也。婦人無專制之義。御衆之任。交接辭讓之禮。故擊以告慶而已。孔謂棋法。榛尊脯始脩治。栗早栗肅。婦人當有法度。知尊上。始至而修身早起。戰栗畏敬也。○白虎通義。士之擊。冬以雉。夏以騊。卿大夫古以鹿麋。周羔雁。

右第十五章

相見執擊之異

凡自稱。天子曰予一人。伯曰天子之力臣。諸侯之於天子。曰某土之守臣某。其在邊邑。曰某屏之臣某。其於敵以下。曰寡人。小國之君曰孤。擯者亦曰孤。上大夫曰下臣擯者。曰寡君之老。下大夫自名。擯者曰寡大夫。世子自名。擯者曰寡君之適。公子曰臣孽。士曰傳遽之臣。於大夫曰外私。

大夫私事使私人擯則稱名公士擯則曰寡大夫寡君之

老大夫有所往必與公士爲賓也賓鄭讀擯今如字○一

詳曲禮下曰力臣股肱宜力之義曰守臣守土之義曰屏臣蔽內捍外之義皆朝會天子而自稱於將命者之辭也敵諸侯與諸侯也諸侯自稱相朝與會盟時也大夫自稱聘問時也世子朝會有攝君之禮故稱適公子則與臣等故曰臣而又曰孽者使知爲君之衆子異於踈賤之爲臣也遠驛也士賤給車馬之役故對君言傳遽之臣私私臣也大夫稱於異邦之君曰外臣士雖臣大夫而稱於他大夫不敢曰外臣別於君也私事鄭謂以君命而非聘若晉侯使韓穿來言汶陽田之類愚謂當聘後而行私面時私人私家之士公士公家之士私臣擯則稱使臣某外臣某皆繫以名公士擯則不名而但稱寡大夫寡君之老也楚圍逆女稱寡大夫圍私事而公士擯故兼之隨行之士當曰介而此曰擯散文通也孔謂已在館而主人致禮則賓反爲主亦通公士爲賓言公士雖爲大夫之介亦得與大

夫同受賓禮若贊幣自左詔辭自右少儀○幣凡玉帛及禽擊皆是右尊也輕財故自左重禮故自右

右第十六章

相見稱名擯相之異

大夫士見於國君國君拜其辱士見於大夫大夫拜其辱

同國始相見主人拜其辱

曲禮○以白入黑曰辱拜其來而曰辱謙也異國之大夫士或

以聘問來而當私覲私面或以求仕來而未委質為臣或往他國而為過賓於其請見無不答拜者以異國故賓之

也若同國則惟於始相見一迎拜之餘則否矣大夫士相見雖貴賤不敵主人敬

客則先拜客客敬主人則先拜主人

所敬在齒德故貴賤非所論也孔謂使臣

在他國則然朱子云未見有同國他國之嫌

凡非弔喪非見國君無不答拜者

君於士不答拜也。非其臣則答拜之。大夫於其臣雖賤必

答拜之。俱曲禮○弔喪不答主人之拜爲助執事而來非

故抗賓主之禮也。非是無不答拜者矣。君於士不答拜以

尊卑之分懸然不以施之他國之士以非其臣故也。大夫

無不答。避君也。○公食大夫禮大夫爲賓則答君之拜。士於大夫不敢拜迎而拜送。

士於尊者先拜進而答之拜則走。大夫於臣無不答拜故

門內不敵於門外拜迎恐大夫之答已也。而拜送者以凡

拜送皆不答。禮有終故也。士往見大夫先拜於門外而後

進而面之。而見不拜恐大夫之答已也。若士拜於門內而

大夫進答之拜於門外而大夫出答之士皆避而走終不

敢抗賓主之禮也。

右第十七章 相見迎送之禮

凡與客入者每門讓於客。客至於寢門則主人請入爲席。然後出迎客。客固辭。主人肅客而入。主人入門而右。客入門而左。主人就東階。客就西階。客若降等則就主人之階。主人固辭。然後客復就西階。主人與客讓登。主人先登。客從之。拾級聚足。連步以上。上於東階則先右足。上於西階則先左足。曲禮○拾級讀涉上上聲凡自下而上放此○凡通貴賤而言諸侯三門大夫士二門尊者迎賓在大門內敵者迎賓出大門外讓於客自謙以敬賓也寢門最內門也爲猶布也先己正席至此又請入布之示慎重之意禮初辭曰禮辭再辭曰固辭三辭曰終辭客辭其人爲席遂肅客而入肅猶揖也孔謂請入爲席雖君於大夫亦然主人鋪席竟然後復出迎客辭不先入然後至道之肅猶道也似未是降等鄭謂大夫於君士於大夫高

意謂凡齒位之卑者皆是就東階不敢為賓而就隨行之
體也主人固辭不敢當客之尊已使必就客之位客復就
西階從主人之命成主人之謙而卒正賓主之禮也先登
以消客也聚足每升一等後足必與前足相聚不敢趾階
而太急連步兩足相繼而升亦不敢徐步而太緩也東先
右西先左以相向為恭也一先一後一左一右賓極其謙
主極其敬相與以成禮如此○按聘禮公迎賓賓不就東
階孔子以己奉君命不敢苟下人也若以私見彼國之君
則入門而右鄭曰以私見則雖敵猶謙若降等不敢正賓
主之禮也又按聘禮公升二等賓乃升所謂君行一臣行
二也升階之法每級必聚足上一等敢曰階階二等
散曰栗階三等皆散曰走階若越一等則曰躐階

右第十八章

相見入門
升階之禮

若非飲食之客則布席席間函丈主人跪正席客跪撫席
而辭客徹重席主人固辭客踐席乃坐
曲禮○函音咸亦
音含丈王肅作丈

○非飲食則講說也。幽客也。東西兩席相對。中空一丈之地。下肅謂古人講說。每以杖指畫。故使可容杖。所謂遠近問三席也。跪而正席者。主之敬客。來雖求教。猶客之異於弟子也。撫以手按止之。跪而撫席者。客之敬主。席之數。諸侯三重。大夫再重。主人設重席以優客。客雖尊。猶自微之。蓋以就教來。則以德義尊。非以尊卑別也。主人因辭其微。客乃就席坐。而主人亦坐焉。○孔氏曰。古者飲食無享。賓位在牖前列。席南向。不相對。故相對者。惟講說之客。登席不由前。爲蠲席。徒坐不盡席尺。讀書食則齊豆。去席尺。爲孔讀去聲。陳讀平聲。今從孔。○庾蔚曰。失節而踐之謂蠲。愚按。講說惟師南面。專席弟子東西向。今此賓主講說。則無師之專席。而惟有東西向之席。故賓主皆當由席後而升。乃不相背。若由前以升。則陵躐而失其節矣。所以不由前爲此故也。徒坐非讀非食也。不盡席尺。退後以示謙也。若讀書與食。則當與席齊。所以然者。以豆之設在席前。尺書之設亦在席前也。○孔氏曰。鄉飲禮。席賓席戶。以西爲下。主席阼階。介席西階。以北爲下。賓升降皆自西方。

至及介皆升自北方降自南方。唯主人受獻自席前適阼階則降自北方以受獻。正禮必席夫。啐酒因便也。若尋常無事則主升由下降由上。賓升降皆由下。所以不出席前升者爲其踞席也。陳澧曰凡登席固必由下。若布席稍落或數人共席則當由已之席前而升。不然則踞他人之席矣。愚按鄉飲皆一人專設之席。故以席之首尾爲上下。此數人共坐之席則長者上而幼者下。以上下爲定位。故升降以前後言。不以上下言也。孔以鄉飲証之。於義不符。而陳謂當由席前以升。尤謬。凡升席有從下者。從後者。無從上從前者。或謂書在席上。豆在席前。言徒坐不盡席尺。惟讀書耳。若食則齊以豆去席尺。故按徒坐不盡席尺。所謂虛坐盡後。食則齊。所謂食坐盡前。而又言書策琴瑟在前。則書不在。主人不問。客不先舉。曲禮。○席坐既定。主人以席上可知。主人不問。客不先舉。客自外來。當先請安。及問所爲。束之意。客不當先有言也。○高愈曰。主近仁。賓近義。故其先後如此。

右第十九章

相見就席之禮

凡進食之禮左殺右載食居人之左羹居人之右膾炙處外醯醬處內蔥醢處末酒漿處右以脯脩置者左胸右末

曲禮○下食音嗣醯鄭徐木皆作醢醢音裔胸音拘○肉帶骨曰殺純切肉曰醢殺在乳載在豆骨剛故左肉柔故右飲燥故左羹濕故右皆陰陽之義且亦便於食也食羹言人左右明在內近也膾炙異饌故在殺載之外而左膾右炙醢醬為食之手故在殺載之內而左醢右醬也蔥醢蒸蔥為醢乃加豆也故在醢醬之左而處饌之末卑客則或酒或漿尊客則兼設之處羹之右而亦左酒右漿也胸脩脯全肉不切置之而上其中屈下形胸胸然末則脩脯之切而細者孔云在酒之左愚疑當在食之左而亦左胸右末也孔云胸之末在右以右手擘之便也未知是否鄭氏曰此大夫士與賓客燕食之禮比齊執之以右居之於其禮食則當放公食大夫禮云比齊執之以右居之於左少儀○齊士擘几調齊放此○齊醢梅之醬也調比羞和鹽梅以右手執之而居羹器於左從其便故也比羞

有清者不以齊

清音泣。清淡也。太羹不和盛之以登貴其質也。

牛羊之肺離而

不提心。羞首者進喙祭耳。羞濡魚者進尾。冬右腴夏右鱠

祭膾。凡羞有俎者則於俎內祭。

俱少儀。提猶絕也。心中也。牲全則祭肺。祭肺必以

手絕之。故於牛羊之肺割之而但留中央少許使易絕也。

羞首而進喙以前向為俎也。羞濡魚而進尾以從後擊之。

膾肉易離也。腴腹下鱠脊上。冬時陽氣在下故腴肥。夏時

陽氣在上故腴美。右之使便於食也。膾腸下大腸首屬陽

故賓祭凡以陽為重也。魚陰類故賓祭膾以陰為重也。陳

酈曰羞在豆則祭之豆間之地。若俎則長而橫於人之前

故即祭之。唯水漿不祭。若祭為已饌畢。

饌虛涉反。水漿非盛饌故不以祭。

已太也。饌猶厭也。公食大夫禮宰夫執漿解以進賓受坐

祭以對君故敬謹如此。若於敵而祭是卑之過矣。公食

大夫禮魚腊

凡洗必盥

少儀。洗洗爵盥盥手儀。禮設洗於阼階東南水在洗東篚在洗西

清漿不祭

禮記

卷二之三

凡洗爵必先盥手以示潔也。按鄭凡侑食不盡食食於飲舉解洗凡旅者不洗不洗者不祭凡侑食不盡食食於人不飽禮食三飡而告飽須勸乃更食食而勸客祭主人

辭曰不足祭也客滄主人辭以䟽客祭羹主人辭不能烹

客飲醢主人辭以饗十七字主人自置其醬則客自徹之

尊主人之饌故祭美主人之食故滄主人辭之致其謙也祭羹自調和之敬醢徐審味之則客有貪於味之失主人

通辭以謝不欲明客之失也當者食味之主主人客若降

等執食興辭主人興辭於客然後客坐主人延客祭祭食

祭所先進殺之序徧祭之曲禮。公食大夫則賓擁筮梁梁與滄之西序端而不降今以降等故執食興辭為秋降

之形必主人辭之乃不降而坐也延道之也賓主敵則客

祭主乃祭今以降等故客不祭主人必先祭以道之。三飯

而客乃祭凡殺皆隨主人所祭之先後而徧祭之也。三飯

主人延客食哉然後辯饌主人未辯客不虛日。辯徧通。

也公食大夫三飯以清醬謂微清以微滿醬而食此正饌

也哉為加豆故不敢食此降等非臣故至三飯後主人道

之食哉既食哉乃備食爵也虛且食竟而過口使潔清用

漿曰漱用酒曰醕尊用酒卑用漿公食大夫設酒而不用

此降等非臣故用酒醕也客醕不待主人

之飽今以降等故待主人之滿乃醕也。卒食客自前跪

徹飯齊以授相者主人興辭於客然後客坐。俱曲禮。自

設則客親徹今以降等故雖非親設而亦親徹也其以

授主人之相者異於君食之飯與醬皆為己所當得也。凡

飲酒為獻主者執燭抱炷客作而辭然後以授人執燭不

讓不辭不歌其未有燭而後至者則以在者告道替亦然

少儀。凡飲酒主人自獻賓。若尊卑不敵則使宰夫爲獻主。蓋又降於降等之客也。燭未燃曰燭。獻主執之以敬客。示不倦也。然則敵者主人自執歟。凡飲酒賓主必相遜致辭。又歌詩以見意。今以暮夜故皆畧之。客有後至而未有燭必先舉在坐之人以告之。道瞽者亦然也。按燕禮賓則庶子執燭於阼階上。司宮執燭於西階上。甸人執大燭於庭。閹人爲大燭於門下。皆不言獻主。則此大夫士禮亦以避君禮故也。

右第二十章

相見飲食之禮

天子之閣左達五右達五。公侯伯於房中五。大夫於閣三士於坫一。通章俱內則。閣以板爲之。坫以土爲之。皆所以度飲食之物。崔靈恩曰達夾室也。宮室之制中央爲正室。正室左右爲房。房外爲序。序外爲夾室。天子尊庖廚遠故左右夾室各爲五閣。諸侯卑庖廚近故於一房中爲五閣。大夫卑而無嫌故亦夾室爲三閣。士卑不得爲閣。但於室中爲坫以度飲食而已。陸氏吳氏謂閣三坫

一俱在房中五閤牛羊豕魚腊各一也三閤魚豕腊也恩
謂天子備物故閤多未必定以五牲分五閤且此止取飲
食之易於給者非庖厨也禮君子遠庖厨若如
是之近日見其死日聞其聲何遠之有哉大夫無秩腊

大夫七十而有閑孔氏曰秩常也五十始衰未為甚老故

美者或其心之所嗜或具養之所宜有常庶其求無不獲

也天子諸侯即位即置閑以優尊也大夫七十置閑以優

老也推之士亦必七十有閑孔氏曰六十大夫燕食有膾

無脯有脯無膾士不貳羹馐庶人者老不徒食膾詳下文

有饌羹食自諸侯以下至於庶人無筭羹與食常日所食

凡醴必尚一節本篇辛酒唯饗野人皆酒尚辛酒不忘古也饗野人

如蜡祭之類不尚辛酒禮不下庶○飯黍稷稻粱白黍黃

人故也○此以上皆賤之品節

已王義
卷二之三
七

梁稭稭

黍與梁各有黃白二種及稷與稻為六皆飯品也熱稭曰稭生稭曰稭六者皆有之○孔氏曰此諸

侯禮天子加

膳脚腫臄醢牛炙醢牛臄羊炙羊臄

醢豕炙醢豕臄芥醬魚臄雉兔鶉鶉

鄭云第一醢字衍○脚牛臄臄羊臄臄豕

臄皆肉羹之無菜者也鶉鶉也初生曰羅鶉初秋曰早秋

中秋後曰白唐其子曰鶉鶉也亦曰鶉應晨而鳴飛不

過丈農家以為穫麥之候無安云醢文承牛下則為牛醢

豕羊豕下則羊醢豕醢也先言醢醬者以醢醬配食之不

言醢醬則不必配食也○鄭據公食大夫禮自脚至魚臄

十六物下大夫禮每四豆為一行第一行自西而東第二

行自東而西三行復由西而東四行復自東而西謂之綏

其行之序則又自北而南也加雉兔鶉鶉則上大夫禮

飲重醴稻醴清糟黍醴清糟梁醴清糟或以醢為醴黍醢

漿水醢醢

醢音移醢醬通○醢酒之甘者已涉為清未涉

時清糟並設唯其所欲故曰重醢也。黍醢以黍爲醢言或
有以醢代醢者惟黍醢可耳。漿米飲也能利水道。水白湯
也能降火止渴。醢曰梅漿也能生津。濫味之雜者。○按
周禮酒正辨五齊三酒四飲其飲之名一清二醫三漿四
醢。漿人掌供六飲一水二漿三醢四涼五醫六醢。水漿醢
醢四者與此正同其醫卽濫也。孔云涼卽濫也。王明齋云
涼水也以非常用故此不言。濫之味雜非禮之正故彼
不言耳。酒正不言水涼不待辨也。此言清不用糟也。酒
清白。清清酒也。白事酒昔酒所謂三酒也。清酒冬醢而夏
飲與祭無事者其色皆白也。孔曰不言五齊者五齊以獻
神非人常飲故也。○按賓禮王致酒后致飲孔曰酒爲陽
飲爲陰豈醢酒以飯醢漿。羞饌餌粉醢。醢卽饌乘音慈王
以粥故以剛柔相陰陽與。羞饌餌粉醢。讀餐音軒。○羞進
也。饌餌此米麥爲糗。搗之爲屑然後漉之成饌其形堅潔
如珥故謂之餌也。粉醢卽下醢食周禮羞造賓饌餌粉糗
羞豆實饌食醢食此各與其一也。謂
之粉醢者質亦稻米之粉爲之也。食蠲醢而苾食雉羹

句 麥食脯羹雞羹 折稌犬羹兔羹 和糝不麥 苽一作

螺同。蝸醢以螺爲醢也。武雉胡也。今謂之茭白。脯牛羊肉之乾者。析之爲羹也。折稌。粳稻爲飯也。糝。香麥。凡進食必以醢而食與羹。又各有所宜。如苽食則以雉羹爲宜也。濡和糝五羹皆以五味調和米屑爲糝。不復加以香麥也。濡

豚包苦實蓼。濡雞醢醬實蓼。濡魚卵醬。具蓼。濡鼈醢醬。實蓼。

○濡烹熟之也。包苦以苦菜包其外。實蓼以香麥實其中。皆所以殺其腥惡之氣也。卵醬。鄭云以魚子爲醬。或云以鳥卵爲醬。皇甫侃曰此醢。服用之調和。濡漬不專設也。服脩。蜆醢。脯羹。兔醢。麋膚。魚

醢。魚膾。芥醬。麋腥。醢醬。桃諸。梅諸。卵醢。薄析曰脯。捶而施

子。今安南有蟻子醬。張自烈疑以蛤蜊之屬爲之。爲熟。腥生皆取肉無骨者。諸菹也。王肅曰。周禮謂之乾臠。則醢形圓似卵者。皇甫侃曰。此醢醬各自爲物。但相配而食。○鄭以蝸醢至此二十六物。度之諸侯相食。公食大夫。麋醬不

類疑爲人君燕食。愚謂此但記調和配食之宜。卽大夫士未必不可如此也。牛脩。鹿脯。田豕脯。

麋脯。麇脯。麋鹿田豕麇皆有軒。雉兔皆有毛。軒或爲胖。麋

食之時以薑菜起之而不細切也。牛惟可爲脩。餘則可爲脯。而又可爲軒也。胖薄切也。毛雉兔之羹皆以菜和之也。

爵。鵠。蜩。范。芝。栢。菠。棋。棗。栗。榛。柿。瓜。桃李。梅。杏。楂。梨。薑。桂。蜩。

范蜂也。庾蔚曰。無花葉而生曰芝。栢。愚謂芝地耳。栢木耳。

皆菌屬。賀錫謂芝木槎栢。軟。棗。楂。兩雅作植。似梨實大如

指。先青後赤。能消食積。梨大者如拳。有青黃紫三種。一名

快果。一名玉乳。一名密父。能解渴消痰。薑新芽曰子薑。宿

根曰母薑。能通神明。去穢惡。性小者葉如柿。名簡桂。大者

葉如枇杷。名牝桂。能殺魚毒。通凝滯。卽以牛脩至此三

十二物爲人君燕食所用之加豆。愚謂暑舉。○淳熬。煎醢。

加於陸稻上。沃之以膏。曰淳熬。

淳。沃熬也。陸稻。陸地之

為糲以陸稻為飯煎醢加於飯土又悉味薄更沃之以膏也淳母煎醢加於黍食上沃

之以膏曰淳母

母鄭讀模○曰淳母者言模象淳熟而為之也

炮取豚若將剗之

剗之實聚於其腹中編荏以苴之塗之以謹塗炮之塗皆

乾擘之糲手以摩之去其皴為稻粉糲溲之以為醢以付

豚煎諸膏膏必滅之鉅鑊湯以小鼎薺脯於其中使其湯

毋滅鼎三日三夜毋絕火而後調之以醢醢

將鄭讀牂剗音枯音奎剗音枯

塗鄭作涂謹鄭讀謹皴音展糲溲通溲音叟付傳通使其

湯鄭無其字○將羊也剗殺也剗去其膜也苴裹也謹黏

土也皴皮膜也既塗以泥乃燒之燒之既熟然後擘去其

泥而又潔手以摩去其皴溲煮也以稻米為粉糲溲之以

為粥孔謂豚則全用以粥敷其外羊則解析其肉乃以粥

和之而俱煎以膏其膏必滅此豚與羊也脯解析之薄如

肺也。以大蘗盛湯。小鼎盛肺。置鼎鑊中。湯不可過滿。入鼎而肺敗也。毋絕火。而炙而不過燬也。至食時。則又以醢醢調和之。擣珍。取牛羊麋鹿麇之肉。必厭。每物與牛若一。捶反

側之。去其餌。孰出之。去其皽。柔其肉。厭音每。○厭夾脊厚肉也。與牛若一。多寡

與牛肉均也。餌。筋臄也。反側。捶之。去其筋。餌。漬取牛肉。必既捶之。極熟。乃去其皽。膜而柔之。以醢醢也。漬。取牛肉。必

新殺者。薄切之。必絕其理。湛諸美酒。期朝而食之。以醢若

醢醢。絕其理。橫斷其文理也。湛。漸通。醢。梅醬。亦醢類。為熬。捶之。去其皽。編萑布牛

肉焉。屑桂與薑。以漚諸上。而鹽之。乾而食之。施羊亦如之。

施麋。施鹿。施麇。皆如牛羊。欲濡肉。則釋而煎之。以醢。欲乾

肉。則捶而食之。鹽去聲。○生擣牛肉而去其皽。然後布於編萑之上。加以薑桂之屑。與鹽。然後加火

以然之至於乾也當食之時有欲潤者則潤以糝取牛羊

豕之肉三如一小切之與稻米稻米二肉一合以爲餌煎

之三如一三者之肉多寡均也稻二肉一三分肝管取狗

肝一幪之以其管濡炙之舉焦其管不蓼也管網脂也幪覆

皆熟并其肝亦焦然取稻米舉糝漉之小切狼腦膏以與

後食之不川蓼也稻米爲醢狼腦膏狼腦臆之膏也醢鄭讀糝亦作餠以

與羊魚之腥聶而切之爲膾少肉腥細者爲膾大者爲軒

或曰麋鹿魚爲菹野豕爲軒皆聶而不切少儀麋爲辟難

兔爲宛脾皆聶而切之少儀切蔥若齏齊諧醢以柔之鹿

下少儀文並同但少儀無下魚字諸作之而無兩皆誦句
字林腥作腥張一作腥軒一作腥宛一作饔○誦薄切如
葉也先薄切之復細切之乃為膾辟雞宛脾鄭云皆道類
其制未詳以肉及蔥醢皆納之醢中使漸清而柔軟必以
蔥酒浸腥氣也○此以上列品物之珍美周禮珍用八物
鄭謂淳熬一淳曰二炮豚一炮肝四膾珍五漬六熬七肝
曾八呂希哲謂炮不宜分益之以菹思謂炮可分為二則
熬亦可分為五粹可收之珍中醢不可棄之珍外朱子以
此九節屬之養老禮蓋此但列食品之美○凡食齊視春

時羹齊視夏時醫齊視秋時飲齊視冬時齊去聲○齊謂
非為八珍且計也故并以膳軒類屬之

比也鄭氏曰飯宜溫羹凡和春多酸夏多苦秋多辛冬多

宜熱羹宜涼飲宜寒醢調以醢四時皆調以甘象木火金水之藏於土而辰

戌丑未之寄于土牛宜稌羊宜黍豕宜稷犬宜粱雁宜麥

四時也詳見月令

玉藻
卷之三
三

魚宜茭

周禮上
羊豕犬

有凡會膳食之宜句稌音杜○黃氏曰牛雁魚天產也以爲膳所以養精稌黍稷粱

麥、苽、地產也。以爲食。所以養形。人之精不足於養。則氣衰。

形不足於精，則氣衰，五臟六腑，十二經脈，皆失其養。故曰：形不足者，溫之以氣。精不足者，補之以味。此之謂也。

孫曰上言振和力藥所冀則食川清則其美上道者正也
愚按三節皆周禮食醫所掌下有君子之食恒放焉句則

固不特君春宜烹豚膳膏薤夏宜胝鱗膳膏臊秋宜犢麋
禮爲然矣

膳膏腥冬宜鮮羽膳膏臠

宜周禮作行薊作香轔音渠或作轔腥說文作轔鮮周禮作

○服鄭云雉腊陳云鳥腊許慎云馬腊愚謂凡肉乾者

謂之鰾魚乾犢牛子麋鹿子魚生魚羽雁羹謂羔

主八者時氣之盛也。蘄牛膏，燥犬膏，腥雞膏，得之其

云：「大者非羊膏，四者爲時所克，氣之廢也。」得

時之氣過盛故煎以休廢之膏節其氣焉○此一節周禮

人會。芥用。蔥。火用。芥。豕。豕用。非。火用。豕。旨用。蔥。豕用。豕。

所掌用不月煎卷月方朋者月三和月參用月煎平月

所包
掌人

臈春用蔥秋用芥豚春用韭秋用蓼脂用蔥膏用蠟

三牲用殺和用醢獸用梅

蘇許慎云俗作彘非○蔥能利

芥醬三牲牛羊豕也醢似韭一名鴻養一名菜芝菹椒屬

一名梅一名食菜羹漢律會稽獻穀子一斗和三牲及家

畜以醢野

獸則以梅鵠羹雞羹鴛醢之麥魴鱖蒸雞燒雉蒲無麥

無第一羹字○醢湛諸酒也新紫蘇白蘇之屬言鵠與雞

則羹之鵠則醢之三者皆用麥魴鱖則蒸之雉則燒之雉

則以蒲和之三者皆不用麥也孔謂鴛不可為羹醢之麥

言此三者皆切雜和之雉則可羹可蒸可燒蒲無麥言此

三者皆用蘇荏不用麥也實以丞雞燒雉為句皇以

雉雞為句皆未知是否○此以上調和配合之法

○肉

曰臠之魚曰作之臠曰新之臠曰撰之桃曰臠之楂梨曰

撰之爾雅有瓜曰華之素李曰棗之作爾雅作新楂一作

撰之但撰一作鐵○臠皇曰去其筋膜李延曰去其骨郭

璞曰剝其皮皆通作皇曰振動之視其鮮饒郭曰削其饒

據爾雅則郭是也臠多埃洗之使新臠多燕擇之必好桃

有毛拭之使光澤此騰植梨多 狼去腸狗去腎狸去正脊

免去尻狐去首豚去腦魚去乙隨去醜舒雁翠鵠鵠脾舒

鳥翠雞肝雁腎鵠與鹿胃尻臂也乙魚目旁骨能變人

曰雁家鷄曰舒雁野曰鳥家鴨曰舒鳥謂之舒者能毒人野

其氣不及高遠也翠尾肉脾脅側薄肉也似雁無後趾與

脾臟藏之深奧故謂之奧胃藏食者物稟氣偏偏牛夜鳴

則其偏勝與偏絕者皆毒鍾焉去之恐傷人也

則病羊冷毛而羸羴狗赤股而躁臊鳥鵠色而沙鳴鬱豕

望視而交曉腥馬黑脊而般臂漏上俱內則○盾音由後

鹿鬱周禮作理望周禮作盲腥鄭讀星般音班臂一作掌

漏周禮作蠅○病先鄭曰朽木臭後鄭曰惡草臭或曰當

作病惡息肉也冷長羴結也赤股股肉無毛鵠色色變而

少潤澤沙鳴直嘶而無聲韻望視仰首而視或曰目盲昧

而曉相交蓋病瘡之狀腥其氣腥也鄭云息肉如星許慎云星見而食豕則肉內生此般臂前腥色班漏氣如蟻蝨之臭也聞其聲見其形則預知其氣味之不善而不用古
人鑒物之精如此○此一節問禮內養所掌○以上修治
畜擇
之法○為天子削瓜者則之巾以絺為國君華之巾以絺

為大夫累之士薏之庶人斲之由禮○則劈通華音花果保通○削刊去其皮副直

解之為四又橫解之為八華直解之為二又橫解之為四

爾雅瓜曰華之則華之其常也為天子副之加詳也巾以

覆之以辟蠅加重也絺精絡粗辨分也大夫則但華之而

無巾覆矣然猶有為之削者士則但去其蒂而不削庶人

并不去蒂而直斲之矣陳為君子擇蔥薤則絕其本末○

日疑公庭會食時禮如此為君子擇蔥薤則絕其本末○

猶去也蔥薤根多鬚君子不食鬚臍少不食薤薤薤尾不

抄多萎故皆去之

盈握弗食內則○罔象通○罔犬豕之數食者臍腸胃也

牛羊羶食其腸胃猶潔故人於臍犬豕不用臍

玉藻
卷二之三
證

不殺羊。士無故不殺犬豕。君子遠庖厨。凡有血氣之類。弗

本篇。踐翦通。無故謂非賓非祭。殺也用之。有節。所以循薦。亦可以惜財謹欲。而尤足養仁焉。

飲食之則。周禮天官冢宰佐王均
邦國而所統者若磨夫庖人內饗外

養亨人獸人飲人飽人賄人酒人漿人羹人醢人醯
人鹽人食醫多飲食之事蓋飲食之道養身卽以養
德所關非淺鮮也婦之事夫固主中饋而子臣之於
君父皆有嘗食視膳之儀惟恐一物不當而害及君
親然則卽飲食以觀而古人訓
災之微愛敬之至皆可見矣

費大行曰圭公九寸侯伯七寸子男五寸博三寸厚半寸

雜記○贊大行贊說
大行人之職蓋古禮

書篇名也。公桓圭長九寸。上瑋桓楬以爲飾。見天子賴公以安。猶室賴楬以安也。侯信圭伯躬圭皆長七寸。皆瑋人形以爲飾。欲其慎行以保身。但信形直而躬曲。信文舞而躬麗耳。子殺璧。瑋木椌形。取善人之義。男執瑋言圭失之。恩謂取蒲可爲瑋以安人之義。如謂子男執瑋言圭失之。恩謂天子朝諸侯執目四寸斜刻其下以受事。故書曰韞五瑋。是子男之瑋上亦刻爲圭首與目相入。故通謂之圭也。刻殺其上。卽與目相入處也。藻一作縹。所以贈玉。先以木板爲質。長廣如圭。以韋衣之。於韋上畫以文藻。故謂之藻。先朱次白。次蒼。又朱又白。又蒼。凡三色而六行也。與瑋公侯伯三采三就。子男二采再就。愚按兩行相交謂之就。三就亦六行也。但子男文畧耳。二采朱與瑋。○天子朝親執目盟會執鎮圭。尺二寸。藻韞五采五就。諸侯朝王及相朝執命圭。使卿大夫聘執瑋圭。視命圭各短一寸。藻二采一就。○以上

圭制 ○笏度二尺有六寸。其中博三寸。其殺六分而去

一圭執於手。笏鍾於帶。度言其長也。天子之筴長三尺。此云二尺六寸者。去終葵首四寸。以身計之。則自天子至

士同也。笏之中廣三寸，從中以上漸殺。笏天子以球玉，諸

侯以象，大夫以魚，須文竹。士竹，本象可也。文去聲。球美玉也。天子以美

玉爲笏，名之曰珽，又名曰大圭。諸侯則象而巳，大夫則竹

而巳。須，魚之鼓息者，文飾也。庾蔚曰：以鯨魚之須飾竹，應

鑄曰大夫，近君而屈，故不得以象爲飾，而以魚。天子搢珽，

方正於天下也。諸侯茶，前詘後直，讓於天子也。大夫前詘

後詘，無所不讓也。茶音舒。○周禮玉人職云：大圭長三尺，凡

而六分去一，復於其上爲四寸之方首，其形若椎，謂之珽。

者，挺然無所屈也。茶，舒遲之義。詘，圓而殺之。天子至尊，故

無所屈，且以端方正直之道示天下。諸侯則上凡有指畫

讓天子。大夫則前讓天子，後讓已君，故通殺也。於君前用笏，造受命於君前，則書於笏。笏畢用也，因飾焉。

見於天子與射無說笏入太廟說笏非禮也小功不說笏

當事免則說之既指必盥雖有執於朝弗有盥矣說一作稅脫同

免音問後凡喪免放此○指畫以笏懼失容受命以笏備

遺忘是笏特以盡人事之用而因飾之以爲等殺之節如

士所云也凡吉事不脫笏凶事則脫之始朝聘始執圭而

指笏既授玉則執笏未射亦執笏當射則指笏皆不脫也

舉見天子而諸侯更可知矣唯天子太廟當事則脫之若

臣則雖入太廟不脫其脫者大夫指也凶事宜脫笏而小

功情輕故亦可不脫然當喪事除冠而免之時則亦必脫

吉凶異道不相干也指笏於帶將以執事故必盥既已執

事則不必復盥雖朝○君羔幣虎犢大夫齊車鹿幣豹犢

亦然也○以上笏制

朝車士齊車鹿幣豹犢一本君下有齊字幣詩作幘周禮

之皮覆式上也犢緣也君齊車與大夫士異以辨分也太

夫朝車與士齊車同齊重而朝次之地○以上幣制按鹿

五藻
卷二之三
臣

何云君不言齊車凡車皆然也愚謂天子之輅有五等安見輅別而幣必同歟周禮言王之喪車有大輅駟飾大輅美飾鹿頭韋飾然頭梨飾駢頭雀飾五等喪車如此安見朝祭之大不各有五等歟且詩言淺犧虎皮也此必為朝車之一特禮經散佚無從悉考耳

○始冠緇布冠自諸侯下達冠而敝之

可也弁冠朱組纓天子之冠也緇布冠纁纁諸侯之冠也

弁冠丹組纓諸侯之齊冠也弁冠蒸組纓士之齊冠也齊

之巾也以陰幽思也

二句如特姓

縞冠弁武子姓之冠也縞冠

素紕既祥之冠也垂綬五寸惰游之士也弁冠縞武不齒

之服也

續一作繪纁通作縞○士冠禮初加用緇布冠以存古也惟天子為制作之主故不用古之緇布冠

而卽周之委貌弁冠卽委貌也子曰麻冕禮也是周之委貌亦緇布為之特形制微異耳孔氏皆云弁冠帛為之蓋

所見者乃後世之純非古矣。天子牟冠以朱組爲綬。諸侯以下無綬則無飾而純古耳。凡縞布冠皆青組。纓下又因冠而類記之。丹朱也。紫蒼艾色。蓋齊以交神明而牟有陰幽之象。故於思幽陰者爲宜。求牟則冠亦牟而特異之於組以辨分也。武冠下卷也。姓孫也。孫爲祖。服其旣著則服除矣。但父有服。子不可純古以見於父。故以縞爲冠而武則牟。古因相半之服也。紕緣也。冠與武皆縞而又以素緣之。小祥後之服也。游惰失業之士居冠無綬而游惰好飾。居冠加綬則使之縞冠素紕而綬之垂五寸無事。若有事非喪若有喪以深恥之也。○鄭曰。四命以上皆祭異冠。孔子諸侯祭用牟冠。孤祭用爵弁。其齊皆牟冠。大夫齊祭皆牟冠。皇曰。縞重素輕。祥祭之時素冠。縞紕得冠名。故曰。縞冠祥祭之後縞冠素紕。紕得冠名。故曰。素冠。孔子曰。素重於縞。既祥之後微申孝子之哀。故加以素。愚按縞素皆白而素尤白於縞。蓋縞生而素熟。絲愈凍則愈白。是縞重而素輕也。又鄭註。黑經白緯。口縞。愚按凡織之道。經者在外緯者在內。若黑經而白緯則所見者黑而居冠屬武。自天已何以曰縞。白也乎。疑是白經而黑緯。

子下達有事然後綏喪冠不綏

句禮

大帛不綏本篇大白冠

緇布之冠皆不綏委武乎緇而后綏

雜記

糸冠紫綏自魯桓

公始也

紫綏之綏鄭讀繪今如字○居冠燕居之冠冠與武相聯若禮服之冠則臨著時乃合其武禮事尚

文燕居則尚質也屬武之冠無綏若有事則亦加之以致飾也喪冠五服之冠大帛素緇爲之凡有憂者之冠衛文

公大帛之冠是也大白以布爲之委亦武也秦曰委齊曰

武兼言之通異語也喪冠大帛不綏憂無飾也上古大白

緇布冠不綏制未備也有委武若糸冠緇冠則有綏矣紫

問色不正非禮所宜鄭疑僭宋王制宋尚白何綏獨尚紫

乎疑未確桓公名執言始○朝服之以緇也自季康子始

也孔子曰朝服而朝卒朔然後服之

大夫常朝服緇衣羔裘而豹袖其朝朔則

素衣麕裘而青狎袖惟天子皮弁日視朝則大夫得服緇今康子朝服以緇僭天子之大夫也家語曾子以康子衣

編爲問孔子言君臣視朝上下同服羔裘自有定制唯諸侯以皮弁服告朔卑而視朝然後服編耳豈常朝所可服乎鄭謂此亦借宋王禮則宋尙白制或然也朝平端夕深衣此大夫視私朝之平端深衣其用至廣平端自天子至士皆服之深衣自天子至庶人皆服之蓋平端國家之命服深衣聖賢之法服平端雖曰命服而本無等級至於深衣裁制動合法度天子服之以養老諸侯服之以祭膳卿大夫士服之以夕視朝庶人服之以賓祭朝深衣三祛縫齊倍要袷當旁袂可朝可服燕私亦可服也

以同肘袷二寸祛尺二寸緣廣寸半長中繼拊尺

縫一作逢一作

豐要腰同○祛袖口也袖之長及於要聯合其下止袷一尺二寸不合謂之祛褶之尺二寸則圍之二尺四寸矣縫與裳相續處當掖之下故謂之縫掖齊裳下邊緝者要裳上續衣處惟此最狹當人之要故謂之要蓋布之幅廣皆二尺二寸除四寸爲合縫實得一尺八寸衣之制用布六幅中捐之爲十二幅八幅爲袖四幅爲身合四幅圍之共

七尺二寸是縫續要處三倍於袪也裳之制亦用布六幅顛倒裁之分爲二片以窄頭六寸爲要濶頭尺二寸爲袷要共七尺二寸適與衣相續齊共一丈四尺四寸視要加一倍也袷襟也朝祭之衣其襟直下朝祭之裳前三幅後四幅其旁兩幅分開先著衣後著裳深衣衣與裳續而裳兩旁自掖以下皆聯合之則中開而私裏見故別以布一幅亦交解裁之窄頭四寸屬諸領闊頭一尺四寸屬諸齊一爲內襟向諸左一爲外襟向諸右自外觀之則袷當右之旁矣袷袖也袷及於要則臂之出入其回轉皆易也袷領也左右相交而合故謂之袷用布闊二寸爲之又加緣其上其廣寸半長長衣也用以筮而服於外中中衣也在朝服祭服之中繼接袖口也長衣用素中衣或布或素掩袖之上故謂之袷若今女人之找袖矣尺廣一尺也若深衣則無袷但緣而已凡周尺當今官尺六寸四分弱或曰深衣自脊至袖口共五尺四寸長衣中衣袖口一幅止一尺其四尺五寸○孔云深衣之袷上狹下廣喪服之袷上廣下狹又云鄭言鉤邊今之曲裾則宜兩邊皆有袷熊云深衣之袷上屬諸衣朝祭之袷但屬諸裳按深衣制度惟

衽難明故約衆說以帛裏布非禮也。此因上中衣而言鄭而爲之解如此。以帛裏布非禮也。謂冕服是絲則中衣用素皮作服朝服各端服皆麻則中衣用布蓋絲素皆帛布皆布也。若外布而以帛爲中衣則不稱矣。姜兆錫曰布外帛裏其父母大父母衣純以纁其父母衣純以青如則不稱。

孤子衣純以素純袂緣純邊廣各寸半。

深木○純音準後純緣放此○此又

詳緣之異也。純卽緣也。纁蓋也以纁貴文也以青貴仁也以素示哀也。袂緣袖口邊衽旁及下齊也。純之皆廣一寸半。

古者深衣蓋有制度以應規矩繩權衡短毋見膚長毋

被土續衽鉤邊要縫半下袼之高下可以運肘袂之長短

反詘之及肘帶下毋厭髀上毋厭脅當無骨者制十有二

幅以應十有二月袂圓以應規曲袷如矩以應方負繩及

踝以應直下齊如權衡以應平故規者行舉手以爲容負
繩抱方者以直其政方其義也故易曰坤六二之動直以
方也下齊如權衡者以安志而平心也五法已施故聖人
服之故規矩取其無私繩取其直權衡取其平故先王貴
之故可以爲文可以爲武可以摘相可以治軍旅完且弗

費善衣之次也

深衣全文○格音各服歷通懈音彼政今易作正鄒浩曰古易作敬宜從古○毋見

廣不過於短胡被土不過乎長蓋人短長不同其短長不能盡一大約當如此也續衽謂續之以衽或曰續連也衣案各有裁制唯衽則上下相連鉤過衽斜裁處別以直布而鉤緝之卽所謂衽當旁也要縫半下謂要圍七又二寸正得下齊之半卽所謂齊倍要也袼袂當腋處連肘卽同肘也天謂其袖可以及肘此袂長短之度也十有二幅

衣六幅裳六幅朱子謂通一身言之若分言之則衣六幅
反謂之即十二幅裳六幅斜裁之得十二幅也其袷一幅
即應問矣曲袷如矩內袷向左外袷向右則領相交而方
也負緝背綫中直如緝也跣足以也抱方兩手當心於袷
之方若抱之也方袷曰應片仰觀於天直方俯察於地回
肘及肘近取諸身現知權衡遠取諸物積相文也治軍旅
武也善衣若衣服在躬而不知其名爲罔少儀○罔一作
矣一作罔○衣

必有名名各有義不知其名則必
味其義矣夏一無所知之人也衣正色裳間色東青南
赤中黃
內白比黑五方之正色也青勝黃爲綠赤勝白爲紅黃勝
黑爲驕白勝青爲碧黑勝赤爲紫五行之間色也正色貴
故爲衣間色賤故爲裳又衣色奇乾之陽續爲繭組爲袍
也裳色偶坤之陰也若深衣則衣裳同色續爲繭組爲袍
袍爲綢帛爲襜褕續舊絮曰組無裏曰綢有裏而無著曰襜
褕
士不衣織無君者不衣采織象綵而後織之其功多其色
重士賤故不得衣之也祿重也

士未仕或失位皆不貳采亦以賤者自處也孔氏曰大曰夫士去國三月之內素衣素裳三月之後平端乎裳國家未道則不充其服焉曰孔子言也道上下皆順其理未道民未安物未阜也不充其

服若衛文公大布之衣大帛之冠是也○以上衣服之制○唯君有黼裘以誓省大裘

非古也

省鄭讀黼陳如字今從鄭○黼裘以狐白爲裘黑羔爲斧文取斷制之義故於誓軍旅及秋田用之

陳以省爲省耕省斂似於斧義無取大裘純黑羊裘天子郊祭用之今諸侯用之誓省非古也○孔氏曰冬始裘而秋獮已黼裘爲秋役須威也君衣狐白裘錦衣以謁之君之右虎裘厥

左狼裘士不衣狐白君子狐青裘豹裘平絹衣以謁之鹿

裘青豻裘絞衣以謁之羔裘豹飾緇衣以謁之狐裘黃衣

以謁之錦衣狐裘諸侯之服也

裘袖同○古人近體有袍澤之屬其外冬則加裘

則加葛其外加裼衣其外或加襲衣又其外則禮衣如皮弁服平端服及深衣之類襲衣即中衣也裼衣則直領而對胸者裼之制有二無事之裼則去襲衣而全露行禮之裼則外袒其禮衣與中衣而半露君并天子與諸侯而皆織五采爲文曰錦織素絳爲文曰綳綳即綺也絞蒼黃色木以辨分亦以章德君衣狐白示純潔也錦裼之示文也左右虎狼示服猛也上遠於君且不及狐白則大夫近君更可知矣有胡大也飾領緣也禮君紳大夫雜故領袖異或言衰或言飾互文耳狐青裘大夫士燕居之服廢裘朝朝反行聘之服但朝朝則素衣聘或絞衣也羔裘祭於君與朝君及視私朝之服狐裘蠟而息民之服用之各有所宜再言錦衣狐裘明此諸侯之服非大夫士所敢服以辨分也○孔氏曰凡在朝君臣同服則天子之卿大夫及諸侯之大夫在天子之廷者亦得衣狐白但素衣以裼之不用絞耳若天子之士及諸侯之士在天子之廷惟素衣廢裘又曰諸侯朝天子皮弁服歸則錦衣狐裘以告廟既告乃服之當視朝則素衣廢襲熊曰聘禮君用素臣犬羊用絞鄭云武絞或素不定皇云素爲正記亂言絞耳大羊

之裘不裼不文飾也不裼裘之裼也見美也君在則裼盡

飾也弔則襲不盡飾也服之襲也充美也是故尸襲執玉

龜襲執玉其有藉者則裼無藉者則襲

二句曲禮

無事則裼弗

敢充也禮不盛服不充故大裘不裼乘路車不式

襲以中衣盡掩

之也有藉無藉有二一謂藉玉之藻以畫韋衣木加紃組

束之紃組垂於兩端謂之有藉不垂而屈之手中爲無藉

也一謂聘於君用圭聘於大人用璋不用幣謂之無藉享

於君用圭享於大人用琮皆加束帛爲有藉也大抵無藉

者質有藉者文路車祭天所乘不式敬一於天無所分致

也言裘之裼如此而亦有不裼者焉大羊之裘庶人所服

其不裼者以其賤也凡事之無文者不裼從其質也且禮

之所尚不同其取義亦異大約裘之裼以見其美爲敬故

君在以明誠之無所隱於君所爲以見美爲敬也若弔則

不貴盡飾而襲矣襲之襲以充其美爲敬故爲尸則爲執

所遇執龜則與神相接執玉則爲國之重器皆不敢有忽
易之心所爲以充美爲敬也且卽一朝聘而當其有藉則
至於達情而見其美當其無藉則王於行敬而充其美其
義之不同如此若夫無事而謁雖非至於見美而非敬事
則亦弗敢充矣至於郊天則其禮至盛敢弗充乎故大裘
不謁以爲敬之存與乘路車之不式以明敬之專同也○
此以上崇制王后禮衣夫人揄狄君命屈狄再命褱衣一
并謁熊之具

命褱衣士緣衣唯世婦命於奠醢其他則皆從男子同揄

擗通當作謁狄執通加闕通下皆當作鞠預展通緣音家
一作稅○周禮內司服掌后之六服翟衣色半以象天祭
先王服之揄狄色青以象春祭先公服之二者皆以素纁
刻爲雉形加采畫之纁於衣上屈刻也屈狄色赤以象夏
但刻而不畫祭服小祀服之鞠衣色黃以象地及夏季土
躬桑服之褱衣色白以象秋御於王及見賓客服之緣衣
色黑以象冬旁綴以赤熊居服之六服皆以素紗爲裏象
陸繡也君后也后得有命者命麗天下之內治也然亦惟

五命以下者且亦必先告之王矣若三夫人德盛望重出於師保則必天子特命之世婦以贊內治則天子因獻薦而命之蓋世婦雖不得比於三夫人亦與凡命於后者別也若其他未命於王亦未命於后則大約視夫之命以爲服耳三夫人及公侯伯之妻自檢狄而下世婦及君命與子男妻自屈狄而下諸侯之卿大夫再命士一命其妻即視夫之命以爲服孔謂夫尊於朝妻貴於室○韠君朱大以卑遠故優假之也○以上后及臣妻命服

夫素士爵韋圖殺直天子直公侯前後方大夫前方後挫

角士前後正

韠以韋爲之著服畢乃用故謂之韠上繫於要下蔽兩膝故又謂之蔽膝古人無魚而食

取其皮以蔽前後後王易之以布帛而猶存前蔽示不忘古也冕服之韠皆赤皮弁服之韠皆素此謂平端服平端之服天子諸侯朱裳大夫素裳上士赤裳中士黃裳下士雜裳韠各如其裳之色天子純朱諸侯黃朱爵色黃而有黑所謂天地之雜蓋舉下士以見例也韠以下爲前以上爲後天子直無圖無殺示直道於天下也諸侯各去七寸

使短而方。所去之處，仍補飾之，謂之殺。別於天子也。大夫方其下，又折其左上角，使圓，亦補飾之，謂之圓。壞於諸侯也。士則上下各去五寸，其制在方直之間，謂之正。士雖微，不敢不正也。鄭云：天子之士亦直，諸侯之士亦方，似非是。

韠，上廣一尺，下廣二尺，長三尺。本篇及雜記同其頸五寸，肩革帶。

博二寸。本篇會去上五寸，紕以約韋六寸，不至下五寸。純以

素，紕以五采。雜記○會節讀怪孔如字。蓋讀紕今從讀○上廣一尺，天數奇，下廣二尺，地數耦，長三尺。

象三才也。頸五寸，象五行也。頸上受革帶以繫處，三分之中，五寸為頸，兩角各二寸為肩，皆穿其中以受帶。其革帶亦廣二寸也。會，畫也。紕，純，皆緣也。蓋崇義曰：天子祭服之御，繪龍、火、山，諸侯火、山、卿、大夫、士，不畫。陳祥道曰：大夫、火、山、士，山，蓋取所云者。諸侯之大夫、士，陳所云者。天子之大夫、士，諸侯之大夫，止當天子之士也。繪之所不至者，上五寸，以約韋，紕之，自六寸及不至下五寸，以素純之。若下五寸，亦以爵韋，紕之也。紕以飾所補之縫者，上下五寸，據

士言之鄭謂上下橫純以生帛五寸旁純以爵章六寸。釋之表裏各三寸也。會縫也。孔謂上緣曰會旁緣曰純下緣曰純似未確。○天子素帶朱裏終辟而諸侯二字用素帶鄭說補以上制。

終辟大夫素帶辟垂士練帶率下辟居士錦帶弟子縞帶。辟通作紕率紕通。○天子正服之帶用熟絹以朱爲裏終竟此帶皆以采繪紕之諸侯合素而不朱裏。避天子也。大夫紕紐及末而不終辟。避諸侯也。士用練縞單而不合且總緝之而不辟。惟至末辟之又讓大夫也。居士有道德而隱錦帶示文也。弟子學未成縞帶示質也。○孔氏曰大夫紕外平內黃。大夫大帶四寸雜帶。

君朱綠大夫半華士緇辟二寸再紕四寸凡帶有率無箴功。大帶正服之帶雜帶雜服之帶謂燕私所用正服之帶皆素雜服之帶則天子諸侯有朱者有綠者大夫有半者有華者華黃也。士則有緇而且辟之者此公私之辨上下之異也。帶之廣皆四寸惟士之雜帶則有二寸者。蓋於

要再線之則亦四寸矣凡帶鄭謂有司之帶紕之則有箴功率之則無箴功士雖率然下辟處猶有箴功有司則全率之無箴功矣○鄭曰紕紕之也并紐約用組三寸長

齊於帶紳長制士三尺有司二尺有五寸肆束及帶勤者

有事則收之走則擁之肆鄭讀肆今如字○紐約帶之耳也正服之帶自心而結於背雜服之

帶自腰後而前故不可結用組繫耳以并合而約結之三寸組之廣也廣於帶組之長也紳帶之垂者肆故今也鄭曰餘也紳長三尺自士以上皆然惟有司獨短五寸以其執勤便於走也故今凡有勤勞之事則所束之組及所垂之帶皆收而持之於手若事更恐而走則擁而抱之於胸恐趨君父之命恐傾跌而失容猶有司短五寸之意也

子游曰參分帶下紳居二焉紳緝結三齊結或作紕○言人之長約有八

尺自心而下四尺五寸朝服之帶當心上下一尺五寸當大帶分爲三分而紳居其二故長三尺也結卽紐約也紳

組皆三尺其長齊童子不裘不帛不屨絢無總服緇布

衣錦緣錦紳并紐錦束髮皆朱錦也童子之節也不裘不

則絢屬頭飾以爲行戒亦成人之服也無總服愛專於親

哀不及遠也鄭曰雖不服猶免而深衣錦緣以錦爲緇布

示之絲蕭崇義曰此一文一質之義緇布衣質也錦緣錦

紳紐文也束髮紒也盧植曰童子紒如刀環○前言弟子

蓋因前綳帶因并弟子之衣屨束髮而備列之凡帶

必有佩玉唯喪否佩玉有衝牙君子無故玉不去身君子

於玉比德焉佩玉之制上橫者曰珩下貫三組皆穿以纁

皆銳其形如牙動則衝左右之纁而爲聲故曰衝牙旁兩

組之半各貫一玉形博而方曰琕其末各懸一玉如半璧

而內向曰璜又以兩組亦穿纁珠上繫於珩之兩端中交

於琕下復邪繫於兩璜也德謂仁義禮樂智信詳見聘義

天子佩白玉而紕組紱。公侯佩山采玉而朱組紱。大夫佩

水蒼玉而純組紱。世子佩瑜玉而綦組紱。士佩瑀玟而緼

組紱。孔子佩象環五寸而綦組紱。純當作紕與緼通瑀音

引作青○白玉取其純潔○天之色也○山采色如山之采

取其靜而鎮水蒼色如水之蒼取其動而行瑜玉無瑕者

象德之純瑀玟石似玉者象德未純義各有取也組紱以

貫珠玉而相承受緼赤黃色朱顯緼闇綦文緼晦亦各有

取也象性剛縲制圓五為天地之中色聖人之意未易窺

測或取自強不息允執厥中之義歟然亦燕居之佩非禮

服之一命緼韍黼黻再命赤韍黼黻三命赤韍蔥黻

正也亞並通南鄭讀黼○祭服謂之韍朝服謂之韠或曰冕服

謂之韍燕服謂之韠朝服之韠以素祭服之韠以赤天子

純朱諸侯黃朱大夫赤上黃赤蓋同赤面有淺深之異也

衛所通佩首橫玉也命數詳後王制緼晦赤頤黼黻蔥明

亦各有取也。君在不佩玉，左結佩，右設佩。居則設佩，朝則結佩。

齊則結，結佩而爵。釋世子侍君之時不敢佩玉而設左右紛悅玦捍之佩鄭曰示避德而趨事

也。事佩結左，若於事有未能而垂右者，示聽事於上。蓋立則尊右，右近君，故也。故居異宮而不在君側，則玉佩亦設。

之蓋比德於玉，因君子之常。若從君於朝，則亦設玉佩。而特結之，不使有聲，示德雖成而猶未著。儲君之道宜爾也。

孔以左佩爲玉佩，似非結屈也。當齊之時，於佩皆結屈而結之。鄭曰：思神靈不在事也。愚按此通君卿大夫士而言。

古之君子必佩玉，右徵角，左宮羽。趨以采齊，行以肆夏。周

還中規，折還中矩。進則揖之，退則揚之。然後玉鏘鳴也。故

君子在車，則聞鸞和之聲；行則鳴佩玉。是以非辟之心，無

自入也。徵音止，後凡音樂放此。齊鄭讀茨。○徵角宮羽，玉聲所中也。徵爲事宜，力角爲民宜，制故皆在右象。

有爲也。宮爲君宜尊而逸。羽爲物宜靜而聚。故皆在左。無爲也。不用商者。肅殺之音。非以養德。猶宗廟之不用商。琴也。采齊肆夏皆樂節名。有聲無辭。鄭謂采齊之詩。呂謂肆夏卽賁邁之詩。孔謂自路寢門外至應門宜趨。自路寢門內至室宜行。采齊節和肆夏節敬。於此二時歌此二詩。以爲節。愚謂步之徐趨。因乎事之宜。當乎理之節。非可畫一地以限之。且其所謂中者。亦謂急而不至於促。緩而不至於怠。與此樂節合耳。未必有人隨之。歌詩也。朱子曰。周還直行而復回來。其回轉處欲圓如規。折還自行又復橫去。其曲折處欲方如矩。進而前其身略傾如揖。退而後其身略仰如揚。如此則佩玉之聲自銑然而和矣。鈴在式曰珥。在鎮曰綬。車旣有轡和行。又鳴佩玉。和平之音不絕於耳。則心亦自化於和平。而非僻無自生矣。方慤曰心在內。而言人者。有物引之以出。及其人則與物俱入矣。蔣永修曰。惟行中節也。然後玉聲和。惟玉聲和也。然後非心格。口高愈曰。古之君子。趨蹌進退。及鸞和佩玉。無往不以禮樂容其性情。後皆無之。而耳所聞者。增悲道欲之音。身所習者。視遠步高之氣。宜乎蕩心佚志。盡滅其德也。

右第二十二章

器用服飾之節。○首圭次笏次帶次佩

服飾也。古之聖人。一器用一服飾。必辨其等別其名。豈好煩哉。禮莫大於分。莫大於名。此其中皆有天理。自然之則。而古君子之敬身。以敬四國者。皆莫敢苟也。詩曰。淑人君子。其儀一兮。其帶伊絲。其弁伊緌。此內而心之所爲。如結而四國亦於是乎正也。○禹城曰。本篇言深衣而未詳。故卽以深衣篇合之。

禮記卷二之三終

門人李清時校

乾隆歲次癸巳

門下晚學耿毓孝校鑄